

सानसेयारि "बड'सा" खौरांलाइयाव
अमाज्यादि जिज्जो लोब्बा थानाय रायथाय, अन्थाय,
अल, अल'बाथा आरो दावबायारि थावनि, पार्क
बाइदिनि आयाव लिन्नाय लिन्निदां दैथाय हर।
सानसेयारि "बड'सा" खौरांलाइया सेबअरानाबि
फोसावगोन।

बड'सायाव लिन्नायवि हुदा खालाम,
"बड'सा" खौरांलाइया, जौ बयबो आंगो खालाम।

सानसेयारि बड'सा मावखुनि

माइबं नोगार, जोहोलाव देमालु लामा

कक्राझार, बिटिस-783370

Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Tuesday ★ 8 June, 2021 Kokrajhar, BTC, Assam ★ Vol.- 31, Issue No. 73 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

दरंआवबो सासे देहा फाहामगिरिखौ बुदों

गुवाहाटी, 7 जुन: आथिखालाव
कभिड-19 फाहामथायखौ
लानाने आरो बेरामिफोरजों
माखासे जाहोनआव मोगा-मोगि
जानायखौ लानाने डाक्टर आरो
बेरामिनि नख'रनि सुबु'फोरनि
गेजेराव दावराव-दावसि जानाया
बांबोगासिनो थानायखौ नुनो
मोन्दों। मख'नो गोनांदि, बावैसो
सान सिगां हजाइ सहरआव
माखासे दुथांफोरा डाक्टरनि
सायाव गालोबनायखौ लानाने
राइज्योनाइ'नो डाक्टरफोरा
खुद्रीखानाय समावनो तेजपुर
(□ 5 बिलाइआव)

मुसलपुराव हाथियार दिस्थिनाने दुथांफोरा रां लुथिदों

बाक्सा, 7 जुन: फिन
खेवसेबाव दाकाति जाथय
सोमजिदों बाक्सा जिल्लानि
बरमा-मुसलपुर पि डब्लिउ डि
लामायाव। मिथिनो मोन्नाय
बादिल्ला बाक्सा जिल्लानि
मुसलपुर सदर पुलिस थानानि
सिखव थानाय खारुजानाव दिने
साननि समावनो सोमजिनय
दाकातिनि जाथया
ओन्सोलनाइ'नो दुंहाव थासारि
सोमजिहोदों। सलामन्डे'लम
फाइनान्स मुनि मोनसे सरकारि
(□ 5 बिलाइआव)

बि टि आर गोरोबथाखौ मावफुंनयनि सायाव गोनांथार जथुम

गिबि मन्थिआ सारेन्दार एनडिएफबि सोद्रोमाफोरनि फिनसुंथानाय हाबाफारिनि थाखाय 160 कौटि रां गनायथि होबाय

बड'फा उपेन्द्र नाथ ब्रह्मनि आदर्शजों बर'
हारिखौ रांखान्थि-समाजखान्थि जैरेबो
बिथिडव जौगानाहोनायनि सायाव गिबि
मन्थिआ गोसो होदों

दिसपुर, 7 जुन: गिबि मन्थि
ड'हिमन्त बिश्व शर्माया दिने
बिटिआर गोरोबथाखौ
मावफुंनयनि सायाव
सावययन्त्यायनाय हाबाफारिआव
आसाम केबिनेट मन्थि उर्खाव

गोरा ब्रह्म, बिटिआरनि गाहाय
मावफुं सोद्रोमा प्रमद बर'
बिथामोनजों लोगोसे बिटिआरनि
माखासे मावफुं सोद्रोमाफोरा
बाहागो लानाय हाबाफारिआव
(□ 5 बिलाइआव)



गिबि मन्थिआ ड'शर्माआ सिपाझारनि
ओन्सोलफोरखौ नायगिदिहेनाने होखारस्रानाय
हाबाफारिनि सायाव सुलाद लादों

आसामनि हा आरो सिनायथिखौ रैखाथि होनायनि
थाखाय राज्यो सरकारा सतवासा लादों: गिबि मन्थि

दिसपुर, 7 जुन: गिबि मन्थि
ड'हिमन्त बिश्व शर्माया दिने
दरं जिल्लानि सिपाझारनि
गरुखति ओन्सोलाव
दावबायहेनाने दलपर शिब
मन्दिरनि साखाथियाव आयेन
बेरेखायै दरुल खालामनाने
थानाय दैसा सेरनि ओन्सोलफोरखौ नायगिदिहेयो।
गरुखतिआव दावबायहेनयनि उनाव बिथाड गंसे नावजों
ओन्सोलखौ नायगिदिनायजों लोगोसे हाजोनि थिखिनियाव
थानाय शिब मन्दिरावबो दावबायहेयो। गिबि मन्थिया मन्दिराव
फु जिहेनायजों लोगोसे मन्दिर सामब्लाय आफादजों
सावरायलायो। मख'नो गोनांदि बे शिब मन्दिरनि गासै 180
बिधा हानि गेजेराव गासै 120 बिधा हायावनो आयेन बेरेखायै
हाबखन फेग्राफोरा दरुल खालामनाने लादोंमोनब्लाबो
आथिखालाव बे हा बाहागोफोरखौ (□ 5 बिलाइआव)



बर' रावखौ आसाम आयेन आफादआव बाहायनाय आयदानि
सायाव बर' दैदेनगिरिफोरनि गोनांथार सावराय मेल

फैगौ डिसेम्बर दाननिफ्राय बर' रावआ आसाम बिधान सभायाव बाहायजासिगोन: बिस्वजित दैमारि

दिसपुर, 7 जुन: थानाय
बोसोर 2020 माइथयनि 27
जानुवारीखालि जालानाय
बिटिआर गोरोबथानि मोनसे
बाहागो महरै बर' रावआ
आसामनि लोगो सरकारि राव
महरै आसाम सरकारजों
(□ 5 बिलाइआव)



होखारस्रानाय हाबाफारिनि
हेंथायै काजलगावआव
आमसुआ सोमावसारनाय
हाबाफारि लादों

बासुगाव, 7 जुन: गोदाने
दाजानाय आसाम सरकारा
खुंथाय गोहोयाव फेनाय लोगो
लोगोने हाग्रा ओन्सोलफोराव
आयेन बेरेखायै हाबखनफेग्रा
सुबु'फोरनि हेंथायै गोखों
(□ 5 बिलाइआव)

होखारस्रानाय हाबाफारिनि हेंथायै काजलगावआव आमसुआआ सोमावसारनाय हाबाफारि लादों

चिरांआव बेसेन लायाजासे 12 थाखोनि फरा बिजाब रान्नाय हाबाफारिखौ बेखेवजेनदों

काजलगाव, 7 जुन: राज्योनि
सोलों थाइयारि बिथिंखौ
जौगांखौ होनायनि सायाव
गोनांथि होनाने आसाम सरकारा
12 थाखोनि फरायसुला-
फरायसुलिफोरनो बेसेन
लायाजासे फरा बिजाब
जगायनाय थाखाय लानाय
बिथांखि बादिदै दिने चिरां
जिल्लायव बेसेन लायाजासे 12
थाखोनि फरा बिजाब रान्नाय
हाबाफारिखौ बेखेवजेनो। चिरां



जिल्लानि डालिगाव गोजों
फरायसालिनि सावराय
न'मायाव करनानि नेम-

खान्थिफोरखौ आबुडै
फालिनयनि गेजेरजों मोनसे
हाबाफारि खुंफुलाडे। चिरां

जिल्ला फरायसालिफोरनि
नायदिगिरि बिजय बैस्यनि
सामब्लायनायाव खुंफुं नाय
हाबाफारियाव गाहाय आलासि
महरै जिल्ला बेंगिरि नरेन्द्र कुमार
शाहाया बाहागो लानाने बेसेन
लायाजासे फरा बिजाब रान्नाय
हाबाफारिखौ बेखेवजनै होयो।
मख'नो गोनांदि दिने जिल्लानि
गं 9 गोजौसिन गेजेर
फरायसालिफोरनि गेजेराव 12
(□ 5 बिलाइआव)

आसाम बिधान सभायाव
बर' राव बाहायनायनि
सोमोन्दै खुंफुंनाय मेलाव
हांखाय हरखौ लानाने
इउ वि पि अभा दुखु
मोन्नाय फोरमायदों

सिमन सापरि, 7 जुन: भारत
संविजिरनि 8 थि फारिलाइयाव
सोसनजानाय बर' रावखौ
आसाम बिधान सभायाव
बाहायनायनि आयदाखौ लानाने
आसाम सरकारा खुंफुंनाय मेलाव
हांखायहरैनि थाखाय खौसेथि
(□ 5 बिलाइआव)

गसाइगाव आव माद्रासा टेट उथिसार बिजाथिफोरा खौरांगिरि मेल खुंदों



गसाइगावन 7 जुन: कक्राझार जिल्लानि गसाइगाव महकुमानि
सिखव थानाय खरिम बाजाराव माद्रासा टेट उथिसार जानाय
बिजाथिफोरा खौरांगिरि मेल खुंदों। खौरांगिरि मेलनि थाखिया
जादों थानाय 2015 मायथाइयावनो (□ 5 बिलाइआव)

गहेला बर'खौ गोजौ थाखोनि फाहामथायनि थाखाय एम्सआव दैथायहरगोन

कक्राझार, 7 जुन: बड'लेण्ड
टेरिटरिएल काउन्सिलनि हेल्थ
एन्ड फेमिली वेलफे यार
बिफाननि मावफुं सोद्रोमा अरुप
कुमार देआ दिने गोबाव सम
लोमजानायजों नाखेबजाबोनाय
मुंदांखा आसार्नि गेलेगिरि गहेला
बर'नि देहानि थासारिखौ
कक्राझार सहरनि आरएनबि
सिभिल देहा फाहामसालिआव



फाहामथाय लानाय बुब्लियाव
नायगिदिहेनाने बिथानि देहानि
सोमोन्दै सुबुरुन लायो।
लोगोसेनो बिथानि देहा
फाहामथायनि सायाव माखासे
रांखान्थि आंखालनि थाखाय
गोजौ थाखोनि फाहामथाय
मोन्नो हायैनि थाखाय जैरेबादि
थासारिआव भुगिनादों बेखौ
(□ 5 बिलाइआव)

हजाय जिल्लानि काकी ओनसोलाव
जानाय जाथायखौ लानाने खुदिसारदों
फराइसा आफाद आमसुआ

गसाइगाव, 7 जुन: गुवाहाटी गोजौ बिजिरसालिया थानाय 10
मेखालि करना जिउसानि साग्लोबसारनायनि थाखाय रायजोआव
गुबुन गुबुन जाहोननि थाखाय होखारनाय हाबाखौ बन्द खालामथ'नो
बिथोन होदोंमोन। नाथाय बे बिथोनखौ नेवसिनाने हजाइ जिल्लानि
काकी ओनसोलाव जिला बिफाना गोबां नखरखौ न'- बां
सिफायनाने होखारनाय जाथायखौ लानाने गोखों रावजों सोंखारिदों
मिरु आमसुनि आफादगिरि बिथां (□ 5 बिलाइआव)

गसाइगाव महकुमानि गुबुन गुबुन सरकारि बिफाननि बिबानगिरिफोरजों कभिड-19 आरो दै बाना सामब्लायथायनि सोमोन्दै सावरायलायो

गसाइगाव, 7 जुन: कभिड-
19 आरो दै बानानि थासारिनि
सायाव सावरायलायनो थाखाय
गसाइगाव महकुमा खुंथाया
गुबुन गुबुन सरकारि बिफाननि
बिबानगिरिफोरजों दिने
सावरायलायो। गसाइगाव
मकुमा बेंगिरि मावख'नि
सावराय न'मायाव खुंफुंनाय बे
मेलाव बि टि चिनि मावफुं
सोद्रोमा उकिल मुसाहारीयाबो




बाहागो लादोंमोन। गसाइगाव
महकुमानि महकुमा बेंगिरि
पल्लबि सर कारनि

सामब्लायनायाव खुंफुं नाय
सावराय मेलाव मावफुं सोद्रोमा
उकिल मुसाहारीया महकुमानि

आदार आरो जगायथाय बिफान,
सावसि, आबाद, दै जगायथाय,
पि डब्लिउ डि, ए पि डि चि
एल बायदि गुबुन गुबुन
बिफाननि बिबानगिरिफोरजों
सावरायलायो आरो फेगो
समफोराव जायखि जाया
थासारिजों जुजिनो थाखाय
बिफानफोरनि आखायाव मा
रोखोमनि राहाफारि दड' बेनि
(□ 5 बिलाइआव)

स्यामथाइबारि-गुरुभाषा पि डब्लिउ डि लामाया जोबोर गाजि थासारियाव

बासुगाव, 7 जुन: जाय
समाव सोलायनायनि सरकारा
लामा-दालां लुफुं नायनि
थाखाय कौटि-कौटि रांखरसा
खालामदों होनाने मेल-
मिथिफोराव फोसावदों, बे
समनि गेजेरावनो चिरां
जिल्लानि स्यामथाइबारि-
गुरुभाषा पि डब्लिउ डि
लामानि बायपलेनानो हमनाय



थासारिया जौगाथायनि
खंखला सावगारिखौ बेरखां
होदों। स्यामथाइबारि-
गुरुभाषा जानाने भुटान
हादोतसिम थानाय लामानि
गाजि थासारिया सुबु'फोरखौ
गोलाव समनिफ्रायनो गोबां
जेंनाफोरजों मोगा-मोगि
खालामबोदों। एसे अखा
(□ 5 बिलाइआव)

सुजुगिरिनि खोलोम

जिब-जुनात आरो बिफां- लाइफां

बुहमाव जिब जुनात थानानै थानायवा मिथिंगाया सान्ध्र' हायै, मिथिस' हायै सोमोनांथाव निदान सुंभासिनो थानाय नुनो मोनो। ईशोरा सोरजिनाय गासिबो दंफां-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा दावसा, एम्फो-एनलाफ्रा देलाइश्री बुहुमखौ समाय होनायजों लोगोसे जिब जुनात थानानै थानायवा अनजिमा गैयै हेफाजाब होबोदों। मिथिस' हायै जुगआवनो बुहुमाव गोनां जिरातखौ ईशोरा सोरजिनानै होखादोमोन। नाथय ईशोरा सोरजिनाय माखासे जिब जुनात दंफां लाइफां मानसिनि इनाय अनागारियावनो जादों, जुगनि सोलायबोनाय बोथोरनि थाखाय जादों, एबा थानो जायगा जोबनायनि थाखाय जादों। बुहुमनिफ्राय लासै लासै गोमोर लानो हमादों। ईशोरा माखासे सोरजिनाय जिरातफ्रा गोमाबोनाया जिब जुनात थानानै थानायवा गोमोम खहा जानो हागौ। मानोना ईशोरा गासिबोबो गोनां सानानै सोरजिनायदोमोन। मोनसे नडख्ला मोनसेया थानानै थानायवा गोब्राव। गामिफ्राव गोदो डाक्टर गैयामोन। आखाय बौब्ला जार्मान बिलाइखौ दिग्लिनानै होनाय, उदै साब्ला एबा उदै गात्रि जाब्ला खिफि बेन्दों एडनानै जाहोनाय आधिं आखाय बायब्ला हाग्रानि दंफां लाइफां बिलाइखौ देनानै खाथबना होनानै मोजां खालामनाय नुनो मोनो।

बेंगलनि भाड बाजारा बेबादि मुलि गोथांजों आइधिं आखाय बायनायखौ फाहामनायनि थाखाय नामदांखा जानानै दं। आधिं खुब खुब मोनब्ला लोमस्रो साज्रो मोनब्ला उसुमाय(जादि बिजनि) बिजौ आरो माखासे दंफां लाइफां बिलाइ रोदाखौ फुदुनाय पंलु बिदै लोनाई जायगा जायगा जों दासिमबो नुनो मोनो। बे उसुमायफ्राबो जोबलानो हमादों। आयुबेदिक एल' पिटिक होमिअ' पेटिक गासिबो मुलिफ्रा दंफां लाइफांखौ नेउसिनानै जानो हाया। गोलोम बोथोराव बाराद्राय गोलोमनायखौ खमायहोना हायाब्ला दंफांनि साइख्लुम नागिरना बै दंफां सिडव जिरायग्रा हुदाय बयहाबो दं। मोसौखौ हाल एवनो, गायखेर जानो फिसियो। बे मोसौनोबो थानानै थानो गांसो हाग्रा बंग्रा नांगो। जों एम्फो फिसियो। बे एम्फोनि फिथोब आरो खुनु बिफांनि खुनुखौ खुनु लुनानै सि दानानै मानसिया गावनि लाजिनायखौ फाथेयो आरो गोजां जानायनिफ्राय गोजानाव थायो। हाखर-हाला, दुब्लिनि एम्फोफ्राबो माइ बारियाव माइ बिफांखौ खहा खालामनो हानाय माखासे एम्फोफोरेखौ जानानै माइबिफां मोजां जानायवा हेफाजाब होयो। नाथय मानसिफ्रा बेफोर एम्फोफोरेखौबो बुथारनानै गोजोनाय मोनो। दावमा दावसाफ्रा फिथाय जानानै खिनाइ फिथायनि बेगरनिफ्राय बिफां लाइफां फेहेरनायाव हेफाजाब होयो। बबेबा बबेबा दावमा दावसा, जिब-जुनातनि मेजेमखौ मुलि बाहायनाय बयबो नुवा लासैनो थायाखै। नाथय बेफोर गासिबो थानानै थानो थाखाय हाखर हाला दंफां-लाइफां नांगो। जायगा जायगा बिफां-लाइफां जोबनाय लोगो लोगो बिलो आरो निजिराफ्रा रानलानाय मानसिनि मेगनाव गोलेयालासिनो थायाखै। दंफां बिलाइफ्रा अक्सिजेन होनाय मोनसे गेस सानाव हगारो। जाय गेसया मिनिटसे गैयाब्ला जिब-जुनात थानानै थानायवा गोब्राव।

दिनैनि फानजामुधि

राशि बाइदियै मुनि गिबि हांखो		
मेघ : अ ल	बृष : ऊ ब (उ ए इ)	मिथुन : क छ (ङ घ)
कर्कट : ड ह	सिंह : म ट	कन्या : प ठ (ण ष)
तुला : त र	वृश्चिक : ब न	धनु : ध भ (ढ़ फ)
मकर : ख ज	कुम्भ : ग श (स)	मीन : द च (ख ज झ)

	मेघ: बादायनायाव देरहासर जानानै जेरावबो मुं गोसार होनो हागोन। गोजोन्नायखौ मोनो हागोन। मोजां सान।
	बृष: जेखि जाया खामानियावनो गावनि मानसियानो हँथा होनो हागौ। जैरिथिबो सांग्रांथि जानांगोन।
	मिथुन: माबा मोनसे मुवा मोनो हागौ। गोसोखौ खुसि मोनगोन। मोजां सान।
	कर्कट: सान्नाय थांखिया जाफुंसारगोन। गोजोन्नायखौ मोनो हागोन। मोजां सान।
	सिंह: माखौबा लानानै बिसि-फिसाय नालायनाय सोमजिनो हागौ। गोसोखौ धैय्य हमानांगोन।
	कन्या: बायदिसिना सानखानानै गिनाय सोमजिखानो हागौ। जेखि जाया गोसोखौ लोरबां खालामनो नाड।
	तुला: माबा मोनसे हाबा मावनायनि बिबान मोनो हागोन। गोसोखौ गोजोन्नाय मोनगोन। मोजां सान।
	वृश्चिक: रानि लेना-देना जानायफ्रा जोबसंगोन। गोसोखौ सांथि मोनगोन। मोजां सान।
	धनु: गिदिद सुबुंखौ सन्मान होनो रोडै जानो हागौ। जैरैबो सांग्रां जानांगोन।
	मकर: नख'रनि जेनाया जोबसंगोन नड। बिमानि सुखुआ गोमालानो हागौ। गोसो हमाथानांगोन।
	कुम्भ: गोबाव समनिफ्राय नाजाथावनानै मावबोनाय मोजां फिथायखौ मोनो हागोन। फारफ्रोमिथिबो मोजां।
	मीन: मानिबा जाहोनाव गोसोखौ असांथि मोनखानो हागौ। जेखियानो जाया गोसोखौ हमाथा।

मध्य प्रदेशआव जुनियर डाक्टरफोरनि हरतालखौ दिल्लीनि डाक्टरफोरा मदत होदों

गोदान दिल्ली, 7 जुन : मध्य प्रदेशआव थानाय माखासे सानफोरनिफ्रायनो जुनियर डाक्टरफोरनि हरतालआ सोलिगासिनो दं। बे हरतालखौ दिल्ली एम्स आरो सफदरजंग फाहामसालिनि डाक्टरफोरनि हे फाजाबबो मोन्दों। मध्य प्रदेशआव जुनियर डाक्टरफोरा गावसिनि बेथनखौ बारायनाय, गावनि आरो गावनि नख'रनि करना फाहामथायखौ सिगांग्रो नोजोर होनो दाबि दैखानों। दिल्ली एम्स आरो सफदरजंग देह। फाहामसालिनि डाक्टरफोरा बुंदोंदि, जुनियर डाक्टरफोरनि दाबि दैखानाय आयेन बेरेखा नडा आरो राइज्योनि गिबि मन्थ्र शिबराज



सिं चौहानआ थाबैनो धनां होनाय डाक्टरफोरजों लोगो हमानांगौ। राजथावनि दिल्लीनि गंनै गिदिद देह। फाहामसालिफोरनि डाक्टरफोरा रबिबारनि मोनाबिलिनि 7

रिं गायवा लामायाव जयै ओंखारनानै सम बादि सावनानै मार्च खालामदों। अजद होनाय डाक्टरफोरा मध्य प्रदेशनि जुनियर डाक्टरफोरनि थाखाय बिजिरनाय दाबि दैखानानै स्लगानबो होयो। फेडरेसन अफ

रेजिडेन्ट डाक्टर्स एस'सिएसन (एफअआरडिए) नि थान्देफोरा मोनसे फिनआव बुडोदि, "जों मध्य प्रदेश सरकारनि इनाय अनगार खालामनायफोर आरो गोजोन्नाय गैयै आखु दिनिथनायखौ जोबोद रागा

जोंदों। रेजिडेन्ट डाक्टरा फोरमायो। डाक्टरफोरा दाबि दैखानायखौ लानानै धर्ना होगासिनो, जायखौ गोखोडैनो नेवसिगारनाय जायो आरो खुं'थाया रोजा रोजा डाक्टरफोरनि केरियारखौ गात्रि खालामनो थांगासिनो। फिन्नायाव बुंनाय जादोंदि, जौनि हाहाम देहा हाबाफारिया सरासन्ध्रायै साबजाथावै आरो मेनपावावआव जायखि जाया रोखोमनि ख'हाया बेनि सायाव गोहोम गोम्लैगोन। फडानि थान्देफोरा एनएचसिनि आजिग मोनाय आफादिगिरि बिजिरगिरि अरुण के मिश्राजोबो लोगो हमा आरो बिनो मध्य प्रदेशआव सोमावसारनाय जुनियर डाक्टरफोरनि जिंगाफोरखौ फोरमायो। डाक्टरफोरा दाबि दैखानायखौ लानानै धर्ना होगाफोरखौ फिन खामानिखौ जागायफिन्नो बिथोन होदों आरो सोमावसारनायखौ आयेन बेरेखा होनानै बुडो। जायनि उनाव थानाय 4 जुनआव सा 4,000 डाक्टरफोरा बिबान एनग्लायो। बेनि उनाव राइज्यो सरकाराबो शनिबारखालि 5 जुनआव नटिस हरनानै बिसोरखौ गावसिनि हरेलेखौ हगारनो थाखाय बुंहरो।

पाकिस्तानआव गंनै ट्रेनफोरनि सौग्रावनायजों सा 30 सुबुंफोरनि जिउ ख'हा, माखासे जोखोम



गोदान दिल्ली, 7 जुन: पाकिस्तानआव आरोबाव खेबसे गिदिद रेल सौग्रावनाय जाथाय जादों। बेयाव दासिमआव सा 30 सुबुंफोर थैबाव आरो माखासे सुबुंफोर जोखोम जादों होनानै सुलुडव फोरमायनाय जादों। सिन्ध ओन्सोलनि डहारकी आरो रेली रेलवे स्टेशननि गेजेराव गंनै ट्रेनफोर मिल्लत एक्सप्रेस आरो सर सैय्यद एक्सप्रेसनि गावजों गाव सौग्रावलायनायनि जाहोनाव बे गिखंथाव जाथाया जायो। खौरानि बायदिल्ला, माखासे सुबुंफोर ट्रेनि सिडवनो थाबथायो आरो बिसोरखौ बाइजोयाव दिहुन्नी नाजागासिनो दड। बे जाथायनि खौरां मोन्नाय लोगो-लोगो रेखा खालामग्रा दोलोआ जाथाय जानाय जायगायाव सौहैयो। बेनि उननिफ्रायनो रेहाय आरो रेखा खालामनाय हाबाफारिया सोलिगासिनो दड।

रायपुर एम्सआव कभिड इनफेक्सननि आइजोनि गोथै सह'निफ्राय गहेना खावदों, देहा फाहामसालिनि मावसुमाफोरनि सायाव दाय जाबसिन्दों

रायपुर, 7 जुन: रायपुरनि आमनाका थानायवा मोनसे केस थिसन्याय जादों। सासे फिसाज्ला पुलिसनाव अजद दिखानाय बायदिल्ला, बिनि इनफेक्सन जानाय बिमा थैनायनि उनाव रायपुर एम्सनि मावसुमाफोर गोथै सहनिफ्राय गहेना खावो। आधिखालाव लाइमोननि अजद दैखानायवा पुलिसआ केस थिसनबाय। बे केसखौ नायबिजिरनायनि गेजेरजों आधिखालाव पुलिसआ एम्स अट्रिभिन्सफ्राय फिन्नाय बियो। लाइमोननि बायदिल्ला, थानाय दानसेनिफ्रायनो बियो एम्सनि अफिसारफोरनि खाथियाव अजद दिखानों। नाथय थि खौरां एबा गहेना नागिरनायाव जेबो जरखा हेफाजाब मोनो हायाखै। बेनिखायनो रागा जौनानै बियो पुलिसनो गासै बाध्राफोरखौ



फोरमायो। हुसेन मुनि लाइमोनआ फोरमायनाय बायदिल्ला, बियो गावनि बिफाजों लोगोसे नलहर चौकनि खाथियाव थायो। थानाय 10 एप्रिलआव बिनि बिमाया करना पजिटिभ जानायनि जाहोनाव एम्सआव एडमिड खालामो। बिनि बिमानि देहाया गात्रि

जानायनि जाहोनाव थानाय 19 एप्रिलआव थैयो। जेब्ला बिनि बिमाखौ देहा फाहामसालियाव एडमिड खालामो, अब्ला बिनि मोनैबो आखायाव सनानि आसान आरो खोमायाव खेर दडमोन। बे गहेनाखौनो दासिमबो लाइमोननो गथायफिनाखै। बेनि उनाव बियो

सुंद' सल'

अनिल कुमार ब्रह्म

सोमब्लाय इनाइनो गाबदोंमोन। मोदै रथ' रथ'। मेगनाव मोदै लानानैबो बियो न'निफ्राय ओंखार लांदोंमोन सवेना बुजिनो हाखादोंमोन-सोमब्लाय दुखु मोनगोन, गाबगोन। गाबथों। बिनि गाबनायनि मोदैया वा बेसेन दं? बबेखानि मोदैखौ मुलि बादि बाहाय जायो सोरनिबाफोर गोसोनि मैला सुम्रानायाव।...

संसारनि मानसिफोरा मोनसे नख'राव थानानै गोरोबलायनानै संसार जानो हायैया दुखु गोनां। अदेबानि सासेनि दुखुवा गुबुन्नो सुखुनि ख'राक जगायनो हागौ। बेनो जेन मुलुकनि नेम। सवेननि खोथा। सवेनाबो फंबायनि मेगनाव मोदै बोहैथों, माब्लाबाबो हास्थायखैमोन। नाथय मा खालामनो? बिहा गावहानो मोनसे संसार दं, इयुन दं। इयुनि संसारखौ बियो मानो फंबायनि थाखाय थेर-बेथेर खालामना लानो?

फोलेर गेदेर। बिफा गैलिया। बिमा बुरै दं आरो फंबायफोर साथाम। सवेनहा गावहानो गथ' सासैसै। एल.पि. स्कुलनि फोरोंगिरि मावनानै एफा गेदेर फोलेरखौ हा-हु गैया गारा फिसिनाया गोलै नड फरायनाय खरस थानायवा। मेट्रिक पास जानानै कलेज फरायनो गोजानाव थाहैदों फंबाय सोमब्लाय। बि सोमब्लायखौ लानानैनो ख'र' सानांगौ जादों सवेनहा, लोगोसे सवेननि बिसि नालेबहाबो।

संसारनि राइजो जानायनि फासै सांग्रां नालेबआ। कलेज फरायनो गोजानाव थाहैनाय सोमब्लायखौ बियो सैजो खालामनो हाया मोन। न'आव फैला बुजायबाय बियो, "संसारखौ लेखा फरायनानैल' जानो हाया हाइ आगै, लेखा फरायब्लाल' जाया। खामाइनानै सुफुडब्ला सोर खामाइनानै होफैग्रा दंबावयो लाइहाइ दानि जुगाव।" सोमब्लाय फिनदोंमोन, "खामाइगोन बाजै। देनां उनाव खामाइगोन।"

"माब्ला देनांबावहाइ बे। आधिं-आखाय राबाय- मेट्रिक

फैला-ओम

पास जालायबाय उनावहा रथ' रथ' होनानै रथलांगोन।" सोमब्लाय बिबाजैनि उदै सिनि बाध्राखौ बुजिदोंमोन। नालेबआ नाथय खुगा मुथुनानै थायाखै। बियो फिसाइनि सिगाडवबो एरखां बावबाय आरो ननाय नडै खेस-खेस बुंबाय थाबाय, "मानोथो लेखा फोरों बावनांगौ? हा आदिफोर लानानै हाल मावथोसै खौलाय। नाड-फाड मानो खरस खालामबावनांगौ। देनां रोंग-राग' साखि लानानै बिसि-फिसाजों टाउन-सहरफ्राव मालाय सुखयै थाहैगोन, नौखौ नाइफिनगोन सोरबा। देनां फिसा फोरखौसो हानाय नड नोडो फोरोंनो।"

"दोर जाम्बि, नों सिरि थाना। आं दं, आं खामायगोन। नों मा मोनथिगौ।"

"मोनथिया ? हे राम। बिदिल्ला आं नौनि जेबो नड? फंबायासो नोंहा गोनांसिन जाबाय। बिफां फांसे गायनानै जोथोन ला-नों फिथाइ मोनजगोन। नाथय फंबायफोरखौ नायनानै नों जेबो मुलाम्फा मोन्नाय नड। मुलुकआव नुवाखै नों सोर साफसे फंबाया बिदाखौ अनफेरदों।"

"साफ्रोम मानसिनि फंबायफोरानो समान जाजोबनो हाया, जैरे आसिया समान नंजोबा।"

"बिदिल्ला नों संसारखौ सिनायाखै। संसारनि बाला गुदुडव नों गायैयानो साबसिनमोन। फंबायफोरखौ एसे प्राब अनग्रा थारब्ला नों आंखौ मानो हाबा लाया। बिसि-फिसानोनो जाहोनो गानहोनो हाया, लाजि रोंलाबो हथ'सिरा फापिआ।"

"साफसेया नोंबादि मोजां गान्ना जेमोनो मोदोंथो बुंनाय साय?"

"बेखौबो आं आसि थुयै थुयै नोंनो खिन्थानांगौ जाबाय। मालाइहा टि.भि. भि.सि.पि. मटर-गारि दं, नोंहा मा दं? बि खुरिया हौवाहा गन्थं गैमारा। हे ग'साइ! नों आंखौ सोरजों जुलि हरखो। बिसि-फिसा अन्नो रोडै बिन्दि हौवाजों राइजो

जास्लायस्लाय थैनायानो साबसिन सै आं। हे सुनी खाफाल। बेमा सिनाय खाफाल! बिन्दि बुंनानै नालेबआ उन्दुग्रा सौखीयाव खाफाल खुनानै लायो आरो रौ-रौ गाबो। बे गाबनायानो गाबनाय आर थाद'याखिसै। जाया-लोड थायो आरो एमाव उन्दुसोना मोदै हगारो। सवेना बिसिखौ हानाय मानि बुरखायो। फिसा फोरनि दहाय होनानै बिसिखौ बेंहोनो नाजायो। अब्लाबो नालेबनि मेगनि मोदैया रानथेया खिसै। बेबादिनो बाररा' लांबाय-सान सान्ने आरो हर हरनै। सवेना बोदोर जाखांबाय- बेबादि सानफसे थाहोबावनो?

सवेना गुबुन सोलो हमावय। बिसिखौ बुरखायब्लाबो बेंहोनो हायैनि फंबायखौनो बुजाइनाया गाहाम जासिगोन सानबाय सवेना। बियो सोमब्लायखौ थोंजोंनो बुंबाय, "सोमब्ला फंबाय, नों आंनि फंबाय असे। नौनि सायाव आंहा एसेबो मेगन सानाय एबा गात्रि मोन्नाय गैया। नाथय मा खालामनो? नोमबाजैया दाखालिनिफ्रायनो लोमजादों। नोंनोथ' मेगनजों नुबाय-नोमबाजैया ओंखाम जाया, दै लोड रानलां नायखौ। नों बुजिना जाबाय, नोमबाजैया मानो लोमजादों नों मोनथिबाय। फिसाइ जानानै बिसिनि सुखु-दुखुखौ नाइनाया आंनि बिबान। बेखायनो आं बुंदों सोमब्ला-नों फरायनायखौ गारदो। फराय थारनोब्ला गुबुन राहा लानानै फराय लांदों। आं हले खरस हालिया। दिनैनिफ्राय आं नौनि फरायनायाव गरसेबो गारनो हालिया।"

सोमब्लाय मोखां सोम सोम फिनबाय, "आंनि थाखायनो नोंसिनि संसाराव अर नांदोंब्ला बेनो जाथों। आं गावनो न'निफ्राय गोजानाव जानखार लांगोन।"

नाथय बहा थानो सोमब्लाय? सोरनाव मा मावनानै जाहैनो? गावनि इयुनखौ खोमसि नुहरनानै बियो मोदै रथ' रथ' गाबदोंमोन। सवेना सोमब्लानि मेगन थाइनेनिफ्राय थरथि थरथि मोदै गनायखौ नुनानै सानदोंमोन। मानसिया मानि थाखाय मानो गाबो? मेगनाव मोदै लानानै सोमब्लाय न'निफ्राय ओंखार लांदोमोन। थेवब्लाबो सवेननि अथाइबादि गोरा जालानाय बिखाया बरफ बादि आवलि फिनाखै। बियो सिरि सिरि सानदोंमोन-मोदैनि दाहारा गुबुनथि लामा लाबाय जेब्ला दिनैनिफ्राय बिसि नालेबनि मेगन मोदैनि फुंखाया रानथेसिगोन।

आसामआव कभिशील्डनि आंखालजों सुबुंफोरनि नैथि ड्रपआ थाददों, गिबि ड्रप थुनायखौ बन्द' खालामबाय

सान्जा भारतनि माखासे राइज्योफोराव 10 जुनसिम अखा हानो हागौ

गोदान दिल्ली, 7 जुन: हादत आरो मुलुग नाडै करनानि गोहोमनि उनाव भेक्सिनखौल' मोनसे राहा लामा महैर नुनो मोन्दों। नाथाय माखासे जायगाफोराव बेनिबो आंखालआ जेना सोमार्जिहोदों। बेनि गेजेरजों आसाम सरकाराबो कभेक्सिन टिकानि आंखालनि जाहोनाव बेनि गिबि ड्रप होनायखौ बन्द' खालामबाय आरो आथिखालाव बै 1.50 लाख सुबुंफोराव' टिकाखौ मोनसिगोन, जायफोर बे टिकानि नैथि ड्रपखौ लानांगौ।



राइज्योनि सासे मन्थिआ थानाय शुकुबारखालि बेनि खौरां होयो। देहा आरो नख'रे अन्सुथाय मन्थि के शब महन्तआ बुंनाय बायदिव्ला, राइज्योयाव कभेक्सिन टिकाफोरनि स्टकआ

आथिखालाव 20 रोजा आरो फेगौ माखासे साननि गेजेराव राइज्योयाव 50 रोजा ड्रप मोनबावगोन।

अदेबानि बेयाव भेक्सिननि आंखालनि जाहोनाव माखासे सुबुंफोरनि भेक्सिननि नैथि ड्रपआ थाद'दों। बेखौ नोजोर होनानै राइज्यो सरकारा

सुबुंफोरनो गिबि ड्रप होनायखौ बन्द' खालामो। बेनि सोमोन्दे के शब महन्तआ बुंनाय, जायफोर बे टिकानि नैथि ड्रप लानांगौ बिसोर गिनांगौ गैया। मानोना नैथि ड्रप लानायनि समखौ 28 साननिफ्राय बायनानै 42 सान खालामबाय आरो बिसोरनो थि सम सिमानि गेजेरावनो टिका थुनाय जागोन। मन्थिआ बुंनाय बायदिव्ला, शुकुबारसिमाव राइज्योया 15 रोजा ड्रप मोनबावगोन। आसामआव कभिशील्ड टिकानि 3.20 लाख ड्रप मोनबाय आरो टिका थुनाय हाबाफारिया थि खालामनाय हाबाफारि बायदिये सोलिगोन।

गोदान दिल्ली, 7 जुन : भारत बोथोर बिगियान बिफानआ खोला सानाब मौसुमि बोथोरखौ सोनाब बंगनि लैथोमायाव बायनायखौ नोजोर होनानै गासै सा-सान्जा ओन्सोल आरो सान्जा भारतनि माखासे राइज्योफोराव 10 जुनसिमाव गोबां अखा हागोनखौ हमदादों आरो फेगौ सानथामनि समाव अरुणाचल प्रदेश, आसाम, मेघालय आरो मणिपुर बायदि राइज्योफोराव गोबां अखा हानो हागौ। बोथोर बिफानआ रबिबारखालि बुझेदि, मौसुमि बोथोरा हादतनि माखासे बाहागोफोरखौ क भार खालामनानै गेजेर आरो ब लैथोमायावबो आवगाय लागोन,



जेराव महाराष्ट्र, तेलंगाना, तामिलनाडु आरो अन्ध्र प्रदेशनि गोबां बाहागोफोरा दंफायो। आइएमडिनि बायदिव्ला, खोला-सोनाब बारनि गोखौ जानाय आरो खाथि-खालायाव गाहाय गाहाय नारसिनाय थाखोयाव मोनसे साइक्लनिक सार्कुलेशनि जाहोनाव फेगौ सान्थामनि समाव सा-सान्जा आरो सान्जा भारतनि माखासे राइज्योफोराव गोबां अखा हानो

हागौ। अदेबानि 7 जुन एबा समबार खालि नागालेन्ड, मणिपुर, मिजोरम आरो त्रिपुरायाव गोबां अखा हानो हागौ 18 जुन एबा मंगलवार खालि अन्ध्र प्रदेश आरो उरिष्याआव गोबां अखा हानो हागौ। 9 जुन एबा बुधवार खालि आसाम, मेघालय, उरिष्या, सोनाब बंग आरो सिक्किमआव अखा हानो हागौ। 10 जुन एबा

बृहस्पतिवारखालि गंगीय सोनाब बंगयाव अखा हानो हागौ। बोथोर बिफानआ खौरां होनाय बायदिव्ला जुनि थामथि सप्ताहनि जोबथार नायाव उरर प्रदेशआवबो मौसुमि बोथोरा फेनो हागौ। जेराव वेस्टार्न इउपिआव सरासन्जा अखा हानो हागौ। बेराफार्से इस्टार्न इउपिआव 106 जौखोन्दो अखा हानो हागौ।

आधार कार्डखौ एलपिजि कानेक्सनजों अनलाइन लिंक खालामनो हागोन

गोदान दिल्ली, 7 जुन: सरकारनि डायरेक्ट बेनिफिट ट्रान्सफार डिबिटी यजनानि गेजेरजों गंग्रामबो सिलेन्डरनि सायाव साक्सिडीनि रंखौ थोंजों बाहायगिरिनि बैंक एकाउन्टआव जमा खालामनाय जायो। नाथाय आथिखालाव एलपिजि साक्सिडीनि मुलाम्फाखौ लानो थाखाय आधार कार्डखौ एलपिजि कानेक्सनजों सरजाब नांगोन। बेबायदिनि माखासे नेमखाथि दं, जायजों मोनैखौबो सरजाबनो हागोन। जायखि जाया वेबसाइट, डिस्ट्रीबुटरनि गेजेरजों कल खालामनानै, आइबिआरएसनि गेजेरजों एबा एसएमएस दैथाय हसनाबो बे मोनैनि लिंकखौ सरजाबनो हागोन। एलपिजिनि गेजेरजों मुलाम्फानि रोखोमखौ सायख' नांगौ आरो बेनि उनाव एलपिजि कानेक्सननि बादिदै यजनानि मुंखौ मख'नांगौ, जेरे भारत गेस कानेक्सननि थाखाय बिपिएल आरो इन्डेन गेस कानेक्सननि थाखाय आइअसिएल। डाउन लिस्टनिफ्राय डिस्ट्रीबुटरखौ सायख'नांगौ आरो एलपिजि बाहायगिरिनि अनजिमाखौ थिसन नांगौ। मबाइल नम्बर, इमेल थं आरो आधार कार्ड नम्बरखौ थिसन नांगौ। बेनि उनाव साबमित बटनयाव क्लिक खालामनांगौ। रेजिस्टर्ड मबाइल नम्बर आरो इ-मेल आइडिनि सायाव मोनसे अटिपि मोनगोन। बेखौ आवगाय होलानो थाखाय अटिपिखौ थिसन नांगौ। रेजिस्ट्रेशननि उनाव डिटेल्जों सोमोन्दो थानाय बिबानगिरिनि गेजेरजों बेरिफिक्सन खालामनाय जागोन आरो नटिफिकेशनखौ रेजिस्टर्ड मबाइल नम्बरजों लोगोसे इ-मेल आइडिआव दैथाय हसनाय जागोन।

पेट्रल डिजेलनि बेसेनफोराव फिन खनसे बांभावदों



गोदान दिल्ली, 7 जुन : पेट्रल डिजेलनि बेसेनफोराव लांथियै बांदों। दिल्लीआव समबाराव पेट्रल डिजेलनि बेसेन बांदों। पेट्रलआ 28 फेसा बांदों, जेराव

डिजेलआ लिटारफ्रोमबो 27 फेसा बांदों। समबारआव दिल्लीआव पेट्रलआ लिटारफ्रोमबो 95.31 रं जादों, जेराव डिजेलखौ लिटारफ्रोमबो 86.22 रंआव फान्दों। बेनि सिगां रबिबारआव दर 4 गिदिर सहरफोराव बांदोंमोन। बेजों लोगोसेनो माहारियारि राजथावनिआव पेट्रलनि बेसेना लिटारफ्रोमबो 95 रंनिफ्राय बांसिन जादों। दिल्लीआव पेट्रलआ शनिबाराव लिटारफ्रोमबो 100 रंनिफ्राय बांसिन जादों। मुम्बाइआव पेट्रलनि बेसेना लिटारफ्रोमबो 101 रंनिफ्राय 101.52 रं जादों। चेन्नाइ आरो कलकातायाव शनिबाराव पेट्रलआ 96.71 रं आरो 95.28 रं जादों। बेबायदिनो डिजेलनि बेसेनफोरावबो दर 4 सहरफोराव बांदों। दिल्ली, मुम्बाइ, चेन्नाइ आरो कलकातायाव लिटारफ्रोमबो 86.22 रं, 93.98 रं, 90.92 रं आरो 89.07 रं जादों। मुम्बाइआव मोनसेल' बेबायदि सहर नड, जेराव पेट्रलनि बेसेना लिटारफ्रोमबो 100 रंनिफ्राय बांसिन जादों। ठाणेआव माखासे सानसिगां बे थाखोआव सौहैदोंमोन, जेराव राजस्थान, मध्य प्रदेश आरो महाराष्ट्रनि माखासे गुबुन साहरफोराव बेट लागनाय जादों। गिबिनिफ्रायनो थानाय माखासे सानफोराव से लिटारआव 100 रं जादों।

लिटारफ्रोमबो 94.76 रंनिफ्राय बांनानै 95.31 रं जादों। मुम्बाइआव पेट्रलनि बेसेना लिटारफ्रोमबो 101 रंनिफ्राय 101.52 रं जादों। चेन्नाइ आरो कलकातायाव शनिबाराव पेट्रलआ 96.71 रं आरो 95.28 रं जादों। बेबायदिनो डिजेलनि बेसेनफोरावबो दर 4 सहरफोराव बांदों। दिल्ली, मुम्बाइ, चेन्नाइ आरो कलकातायाव लिटारफ्रोमबो 86.22 रं, 93.98 रं, 90.92 रं आरो 89.07 रं जादों। मुम्बाइआव मोनसेल' बेबायदि सहर नड, जेराव पेट्रलनि बेसेना लिटारफ्रोमबो 100 रंनिफ्राय बांसिन जादों। ठाणेआव माखासे सानसिगां बे थाखोआव सौहैदोंमोन, जेराव राजस्थान, मध्य प्रदेश आरो महाराष्ट्रनि माखासे गुबुन साहरफोराव बेट लागनाय जादों। गिबिनिफ्रायनो थानाय माखासे सानफोराव से लिटारआव 100 रं जादों।

करनाजों थैनायनि फारिलाइयाव महाराष्ट्रआ मुलुगनाडै 10 थिआव थादों



मुम्बाइ, 7 जुन: करनानि नैथि दोहौ गोसारनायनि समाव महाराष्ट्रनि सुबुंफोरा बे इनफेक्सनजों बयनिखुइबो बांसिन भुगिनांदों। थानाय से खवसे बोसोराव महाराष्ट्रआव 1 लाखनिबो बांसिन सुबुंफोरा इनफेक्सन जाना थैदों। बेनि गासै थैनायफोरनि केसआ गासै मुलुगनि फारिलाइयाव 10 थियाव दं आरो भारतआव बेयो बयनिखुइबो सिगांसिनाव दं। महाराष्ट्रआ से लाख बोसोरनि अन्जिमाजों मुलुगनि दर 210 हादतफोरखौ गाहायाव दोन्दों। बेयाव थानाय 24

घन्त्याव सा 618 थैबावो। फारसिंथ हादतआव थैनाया सा 3,47,028 जाबाय, जयनि सा 1,00,130 थैनाया महाराष्ट्रनि। बेनि आंधिया जादों हादतआव गासै थैनाय हारनि 29 जौखोन्दोआ महाराष्ट्रनि। थैनाय अन्जिमाया करनानि सेथि दोहौनिफ्राय नैथि दोहौआव बांसिन जादों, जेराव बेडफोर, गोनां मुलिफोर आरो अक्सिजेनि आंखालजोंबो सुबुंफोर भुगिनांदों। राइज्योनि थैनाय हिसाब लाग्र समिटिनि आफादिगिरि 30 अन्जिमाजों सुपेया बुदोंदि, इनफेक्सननि गिबि 10 दान (मार्च

पाटनायाव साननि समावनो 10 लाख रं लुथिदों



पाटना, 7 जुन: पाटनायाव साननि समावनो सासे मुलि फालांगिरिनि मावसुमानिफ्राय 10 लाख रं लुथिनाय आरो बेनि उनाव सुबुंफोरा सिखावखौ गोबां बुनायनि केसआ सोरडख फैदों। सुबुंफोरजों बुजानानै लुथ खालामनाय दायनिगिरिनि थासारिया गोब्राब जादों होना खौराडख मिथिनाय जादों। बिखौ पि ए सि एड्च देहा फाहामसालियाव थिसननाय

जादों आरो पुलिसआ सिखावनि लुथ खालामनाय रंनि माखासेखौ बोखानो मोनानयखौ फोरमायदों। खौरनि बादिब्ला समबार सान्जौफुआव पाटनानि पीरबहर थाना बेंखन्थायनि जी एम रडआव लुथिग्राफोर पिस्टल दिन्थिनानै सासे सुबुंनिफ्राय 10 लाख रं लुथियो। मिथिनाय जादोंदि, लुथिजानाय सुबुंछा पाटनानि रथाम फार्मानि मावसुमामोन। बियो फार्मानि

10 लाख रंखौ लानानै थानाय समावनो जी एम रडआव गंसे बाइकजों फैनय सानै दुथंआ बिखौ थाथ होनानै बिनिफ्राय पिस्टल दिन्थिना रंखौ लुथिना खारनो नागिरो। बे जाथायनि दावराव-दावसि जानायखौ खोनानै आरो साखाथियाव थानायफोर नुनानै गोबां सुबुंफोर बेयाव थुबुर जायो। खायसे सुबुंफोरा होसोनानै सासे दुथं सिखावखौ हम्नो आरो गोबां बुग्लिनानै उनाव पुलिसनो गथायो। सिखावनि थासारिखौ गोब्राब होना खौरां मोननाय जादों। पीरबहर पुलिस थानानि गाहाय रिजवान खानआ दाबि दैखंदोंदि, दायनिगिरिनिफ्राय माखासे रंखौ बोखानो हादों। पुलिसआ बेकेसखौ नायबिजिस्तो आखायाव लाबाय।

मेगन मार्कलआ नैथि फिसाजो लिलीखौ जोनोम होदों

गोदान दिल्ली, 7 जुन: प्रिन्स हेरी आरो मेगन मार्कलआ आरोबाव खनसे बिमा-बिफा जाबाय। मेगनआ सासे फिसाजोखौ जोनोम होदों। महारानी एलिजाबेथ नैथि आरो शाही नख'रआ राजकुमार हेरी आरो मेगन मार्कलनि फिसाजो लिलिबेट लिली डायना माउन्डबेटन विल्डसरनि जोनोमआव बिसोरनो गाहाम हामलायथि बाउदों। हेरी आरो मेगननि बियो नैथि फिसा। बिसोरना 2 बोसोरनि फिसाजन्ता आर्ची हेरिसन माउन्डबेटन-विन्डसर दड। बकिन्धाम पेलेसआ मोनसे बिबुंथियाव फोरमायदोंदि हेरीनि बिफा राजकुमार चार्ल्स आरो बिदा राजकुमार विलियमजों लोगोसे शाही नख'रआ शुकुबारआव लस एन्जिलिसआव ड्युक आरो डवेज अफ ससेक्सनि फिसाजोनि जोनोम मोननायाव खुसि जानायखौ फोरमायदों। हेरी आरो मेगननि नैथि फिसानि मुंखौ महारानी आरो रंसारि जानाय बिबे प्रिन्सेस डायनानि मुडव दोननाय जादों। महारानीखौ बिनि नख'रनि सुबुंफोरा अन्नानै लिलिबेट होना गाबत्रियोमोन।

डिजेलआ लिटारफ्रोमबो 27 फेसा बांदों। समबारआव दिल्लीआव पेट्रलआ लिटारफ्रोमबो 95.31 रं जादों, जेराव डिजेलखौ लिटारफ्रोमबो 86.22 रंआव फान्दों। बेनि सिगां रबिबारआव दर 4 गिदिर सहरफोराव बांदोंमोन। बेजों लोगोसेनो माहारियारि राजथावनिआव पेट्रलनि बेसेना लिटारफ्रोमबो 95 रंनिफ्राय बांसिन जादों। दिल्लीआव पेट्रलआ शनिबाराव लिटारफ्रोमबो 100 रंनिफ्राय बांसिन जादों। मुम्बाइआव पेट्रलनि बेसेना लिटारफ्रोमबो 101 रंनिफ्राय 101.52 रं जादों। चेन्नाइ आरो कलकातायाव शनिबाराव पेट्रलआ 96.71 रं आरो 95.28 रं जादों। बेबायदिनो डिजेलनि बेसेनफोरावबो दर 4 सहरफोराव बांदों। दिल्ली, मुम्बाइ, चेन्नाइ आरो कलकातायाव लिटारफ्रोमबो 86.22 रं, 93.98 रं, 90.92 रं आरो 89.07 रं जादों। मुम्बाइआव मोनसेल' बेबायदि सहर नड, जेराव पेट्रलनि बेसेना लिटारफ्रोमबो 100 रंनिफ्राय बांसिन जादों। ठाणेआव माखासे सानसिगां बे थाखोआव सौहैदोंमोन, जेराव राजस्थान, मध्य प्रदेश आरो महाराष्ट्रनि माखासे गुबुन साहरफोराव बेट लागनाय जादों। गिबिनिफ्रायनो थानाय माखासे सानफोराव से लिटारआव 100 रं जादों।

मिरु गाहाम देहा मावख'आ करना फाहामथायनि गोदान गाइडलाइन फोसावदों

गोदान दिल्ली, 7 जुन: मिरुनि गाहाम देहा मावख'निफ्राय करना इनफेक्सन फाहामथायनि थाखाय गोदाने फोसावनाय गाइडलाइनआव गिदिर सोलायनाय लाबोदों। गोदान गाइडलाइननि बादिब्ला, इभारमेकिन्ट, हाइड्रॉक्सिक्लर' कुडन आरो लोमजानायखौ फाहामग्रा फेबिपिराबिरनि बाबायनायखौ होवथाबाय। गोबां अन्जिमानि डाक्टरफोर आरो मेडिकल रिसाचंसारफोर बुंदोंमोनिदि, बे मुलिफोरखौ करना बेरमिफोरनि थाखाय मुलाम्फा गोनां होना बिगिनारि फोरमान मोननाय जायाखै। बेनि उनावनो सरकार बेफोरखौ होवथानायनि थांथि लायो। हेल्थ मिनिस्ट्रीजों सामलायजानाय डायरेक्टर जेनेरल अफ हेल्थ सार्थिसेजआ गां 9 लेखा बिलाइनि गोदान गाइडलाइनआव इभारमेकिन्ट आरो फेबिपिराबिरनि थिसनफायाखै। थानाय सानफोराव करनानि नैथि दोहौआ गोबां दावखोनायाव बेफोर मुलिफोरखौ गोबां बाहायनाय जादोंमोन। अदेबानि बेफोर मुलिफोरनि गोसोम बाजारनि जाहोनाव बे मुलिफोर खम जानानैबो फेदोंमोन। थानाय 17 मेयाव फोसावनाय सोदानय बिथोन फोसावनायाव बै गासिबो मुलिफोरखौ बोखारना होनाय जादों, जायखो डाक्टरआ लोकोन गैये एबा एफा-एनै लोकोन गोनां

गोदान दिल्ली, 7 जुन: मिरुनि गाहाम देहा मावख'निफ्राय करना इनफेक्सन फाहामथायनि थाखाय गोदाने फोसावनाय गाइडलाइनआव गिदिर सोलायनाय लाबोदों। गोदान गाइडलाइननि बादिब्ला, इभारमेकिन्ट, हाइड्रॉक्सिक्लर' कुडन आरो लोमजानायखौ फाहामग्रा फेबिपिराबिरनि बाबायनायखौ होवथाबाय। गोबां अन्जिमानि डाक्टरफोर आरो मेडिकल रिसाचंसारफोर बुंदोंमोनिदि, बे मुलिफोरखौ करना बेरमिफोरनि थाखाय मुलाम्फा गोनां होना बिगिनारि फोरमान मोननाय जायाखै। बेनि उनावनो सरकार बेफोरखौ होवथानायनि थांथि लायो। हेल्थ मिनिस्ट्रीजों सामलायजानाय डायरेक्टर जेनेरल अफ हेल्थ सार्थिसेजआ गां 9 लेखा बिलाइनि गोदान गाइडलाइनआव इभारमेकिन्ट आरो फेबिपिराबिरनि थिसनफायाखै। थानाय सानफोराव करनानि नैथि दोहौआ गोबां दावखोनायाव बेफोर मुलिफोरखौ गोबां बाहायनाय जादोंमोन। अदेबानि बेफोर मुलिफोरनि गोसोम बाजारनि जाहोनाव बे मुलिफोर खम जानानैबो फेदोंमोन। थानाय 17 मेयाव फोसावनाय सोदानय बिथोन फोसावनायाव बै गासिबो मुलिफोरखौ बोखारना होनाय जादों, जायखो डाक्टरआ लोकोन गैये एबा एफा-एनै लोकोन गोनां

फेबिपिराबिरनि बाबायनायखौ होवथाबाय। गोबां अन्जिमानि डाक्टरफोर आरो मेडिकल रिसाचंसारफोर बुंदोंमोनिदि, बे मुलिफोरखौ करना बेरमिफोरनि थाखाय मुलाम्फा गोनां होना बिगिनारि फोरमान मोननाय जायाखै। बेनि उनावनो सरकार बेफोरखौ होवथानायनि थांथि लायो। हेल्थ मिनिस्ट्रीजों सामलायजानाय डायरेक्टर जेनेरल अफ हेल्थ सार्थिसेजआ गां 9 लेखा बिलाइनि गोदान गाइडलाइनआव इभारमेकिन्ट आरो फेबिपिराबिरनि थिसनफायाखै। थानाय सानफोराव करनानि नैथि दोहौआ गोबां दावखोनायाव बेफोर मुलिफोरखौ गोबां बाहायनाय जादोंमोन। अदेबानि बेफोर मुलिफोरनि गोसोम बाजारनि जाहोनाव बे मुलिफोर खम जानानैबो फेदोंमोन। थानाय 17 मेयाव फोसावनाय सोदानय बिथोन फोसावनायाव बै गासिबो मुलिफोरखौ बोखारना होनाय जादों, जायखो डाक्टरआ लोकोन गैये एबा एफा-एनै लोकोन गोनां

सुबुंफोरनो चीननि भेक्सिन थुनानै इमरान खानआ लामा गोथेबाय, पाकिस्तानिफोरा आरब हादतफोराव हाबनो मोनला

इस्लामाबाद, 7 जुन: चीननि भेक्सिन थुना सुबुंफोरा सौदि आरब आरो लैथोमा सेरनि हादतफोराव हाबनो मोनाखै आरो बेबायदियाव पाकिस्ताननि गाहाय मन्थि इमरान खाननि थाखाय खैफोदा बारायबाय। मख'जाथावदि, पाकिस्तानआ दासिमान चीननि भेक्सिनखौल' मोन्दों आरो लैथो सेरनि हादतफोरा पाकिस्ताननि सुबुंफोरनो भिजा होयाखै। बेनि सोमोन्दे पाकिस्ताननि न'खर मन्थि शेइख राशिदआ रबिबार खालि बुझेदि, सौदि आरब आरो लैथो सेरनि गुबुन हादतफोराव चीननि भेक्सिनखौ गनायै केसखौ गाहाय मन्थि इमरान खानआ गावनो नुगासिनो दड'। इमरानआ बे हादतफोरनो चीननि भेक्सिनखौ गनायथि होनो आर'ज गावगासिनो दड'। इस्लामाबादआव जानाय



मोनसे प्रेस कनफारेन्सआव शेख राशिदआ बिसोर लैथो सेरनि हादतफोरजों सोमोन्दो लाखिगासिनो दड' होना फोरमायदों। बिथानि बाइदिब्ला, सिनफार्मीआ मोनसे साबसिन भेक्सिन आरो

बे बिथिडव बियो चीननि हेफाजबगिरिफोरखौ सेल्युट खालामो। चाइनिज कम्पानिनि फारसेनिफ्राय थियारि खालामनाय सिनफार्मी कभिड-19 भेक्सिनखौ थानाय दानावनो हुआ इमार्जेन्सिये बाहायनो थाखाय गनायथि होदोंमोन। नाथाय हुनिफ्राय गनायथि मोनसेयावबो चीननि भेक्सिननि गोहोमखौ लानानै जिगा सिनाया समानै थाबाय थादों। वासिंटन पस्टनि मोनसे रिपोर्टनि बाइदिब्ला, चीननि सेन्ट्रल फर डिजिज कन्ट्रलआ गावनो थानाय एप्रिलआव पीसमान जादोंमोनिदि, बे भेक्सिनआ बारा गोहोम गोनां नड आरो बेयाव साबभानायनि गोनांथि दड'। सिडिलिन् डाइरेक्टर जर्ज गाओआ बुंदोंमोनिदि, बे जेनाखौ बोसोंनो थाखाय चीनआ भेक्सिनखौ सोलाय नांगोन, मोननाय बियो बारा गोहोम गोनां नड।

NOTICE INVITING TENDER

Sealed Tenders affixing a non-refundable court fee Stamps of Rs. 8.25 are invited from the eligible Contractors for 1. Improvement of road with earth filling and heavy sand gravelling from Gambarighat to Pekua River under Kachugaon Division. 2. Construction of road from No.4 Sialmari to Padmabil L.P. School by providing GSB under SOPD-G. Forest Department for the year 2020-21, 3. Improvement of Elachijhar road at Upper Chandmari with earth filling and sand gravelling under No. 9 Banargaon ST Constituency under SOPD Forest Department for the year 2020-21. The tender form with all its terms and condition can be obtained from the Office of the undersigned between 10.00 a.m. to 1.00 p.m. on working days till 22nd June 2021. The tender must be submitted to this Office within 1.00 p.m. IST of 22nd June 2021.

Sd/-
Divisional Forest Officer
Kachugaon Division, Gossaigaon.

हांमानि दाहा

गोसोआ मानोबा लुबैया एसेबो
 बे बुहुमजो लोमोसे नोखौ नागर लानो ।
 जाफुहोने थोखि लादोमोन आंखौ लानानै
 सुजुनाय नोनि सिमांखो मोगथांझव ।
 मानोना आंभो नोखौ हास्थायोमोन
 अराय जीउनि मोदाइ महरै मोननो
 सुजुदोमोन आंभो नोखौ लानानै
 इयुननि गोजोन समायना सिमां
 आलो गोजोनै रायजो जालानायनि ।
 नाथाय हांमा थालानोसै गासैबो
 आंनि हास्थायनाय मिजिंफोरा
 सिमांझ सिमांडैनो थालांसिगोन
 मोगथांझव महर होनो हानाय नंला ।
 रंजा खुसि दान्दिसेल , जानोसै,
 अरायनि थाखाय नड आंनि जिउआव
 मालायनि गोजोन , रंजा खुसि थानायखौ नुक्ला
 गोसोआ खायसिब मोनो , थागौ सानो ।
 नाथाय नै आंनि देहा सोलेरआ गासैबो
 मानोबा नोरजिया जालानो हमबाय ।
 जेबो खामानियावनो उदाय थारलिया
 बे सुजुगआवनो लेंहरो थैनायाबो
 आंखौ आनथोरजयै आखायफायखनना । माबोरै
 बावगारनो हाबावगोन आं बिनिक्राय
 नागरनोबो हाया आंदि नोरजिया देहाखौ लाना ।
 खालिबोल लुबैसै अनजालु नोनि
 खुगानिक्राय गोदै फंसे राव खोनानो गरदसे मोनलोनो
 नोनि अखानि दे
 अब्ला थैलानो हागोन आलो गोजोनै आं ।

मुसि चन्द्रवती बसुमतारि

कच-कछारी बर' हारि

फैलाव गुवार मुलुगनि बिखायाव
 उजीफैनाय कच-कछारी बर' हारि ।
 सानो रोड.....फिनो रोड ।
 कच-कछारी बर' हारि..... ।
 बेवहायनो खैफोद, बेवहायनो आफोद,
 बेयावनो गावनाय बेयावनो मिननाय,
 कच कछारी बर' हारिनावनो जोबदो ।
 बर' हारिनि थोखिया मा मोन ?
 गावजो गाव सिनायनो रौला
 बिदा-फंबाय नायनो हाला ।
 दानलाय सुलाय अरायबो ।
 खैचार सागिरिया खैसार सादो ,
 फानबारीया-फानबायदो,
 फाखनगिरिया-फाख' नाव खोखैदो,
 जोबनो थोखिआ बे कच-कछारी
 बर' हारिनि, हारि हारिमुआव ।
 गोथार गोजोन गैया नैसोनथि
 बिदिबोला मुलुगआव माबोरै सिनायथि
 लाबोनो कच-कछारी बर' हारि होना ??
 फै बयबो जो बिदा-फंबाय.....
 खोसेनि बान्दोजो दावगालादिनि ।

मुसि रिन्ददाव बसुमतारि
 जिल्ला-क'क्राझार (बडलेण्ड)

जो खौसे

बिसोर गंसे लागोनि,
 गंसे नख'रनि ।
 अब्लाबो बिसिनि गाबा गोरुबा,
 सासे गुफुर सासे गोसोम,
 सासेबावा सोमब्रोम ।
 बिसिनि मावथायाबो गोरुबा,
 आसार खान्थिआबो गोरुबा ।
 बिसिनि खुलुमनायाबो गोमोथाव,
 सासे आखाय खबज'बो,
 सासेनिआ दाजब महरनि
 आरो सासेबावा आखायजो माबा आजावयो ।
 अब्लाबो बिसोर खौसे थायो ।
 मानोना बिसोर मोनसे फोलेरनि,
 सासे इसोरनि फिसा ॥

मुसि देतसुं बरगयारि
 गामि - आमगुरि,
 ला:सो:- कारिगाव (783373)
 जिल्ला- कक्राझार, बि टि सि

आं लिरनाय

आं लिरनाय
 नैबे खन्थायआ
 नोनि थाखाय जायोब्ला
 दुखुनि खन्थाय
 नो दाफराय र'जे
 नो बिखो फोजावहर
 बबेबा लैथो बिखायाव
 बियो गोजावलांथो
 नोनि हायना महरा
 आंखौ लिरनो थुलुंगा होयो ।
 नोनि रैसुमै रावआ
 खन्थायनि खबाम लाबोयो ,
 जावलिया गोसोआ बेवहायनो गोदेहाबो
 नोखौ लानानै खन्थाय लिरनो ।

मुसि मिजिं नार्जारी
 ला:सो:- गरुभाया

अनजालि

मा सानानै माखौ नुनानै
 लिरामोन अनजालि नो लाइजामखौ ?
 मानि थाखाय आंनि आजोला गोसोनो
 होआमोन नो दान्दिसेनिल अन्याय
 मानोथो दिने नो हरखाबै
 दान्दिसेनि गुबुनि जालांखो ?
 मा दाय मावफलांखो आं
 मानि थाखाय आंखौ
 दान्दिसेनि मिननाय होनानै
 दान्दिसेनो मेगनाव मोदै होखो ?
 सान्दोमोन आं नोखौनो लानानै
 आलो गोजोनै रायजो जालानो नाथाय,
 अनजालि मानोथो नो
 आंनि सान्नायखौ फैमाल खालामखो ?
 बे उजि गासेयाव नोखौ
 बै उजि गासेयावबो मोनाब्ला
 जोनोम-जोनोम आं नोखौ
 नेबाय थागोन आं नोखौनो ।

मसि बिस'जित बसुमतारि
 गामि-मैदेर ख'र
 जिल्ला-क'क्राझार

दुखुथिया बिमा

मा एसे गात्रि आयै नोनि खाफालालाइ
 सानबाबो सानसनो हाया.....
 फासैथि साननानै नाययोब्ला
 हारसिडै गोबो खामगिललायानाय
 जुजायनि अर बायदि दोहो-दोहो..... ।
 खाफाल हमनानै थथ' आयै.....
 सानसे समाव जो बिग्राय फारि फोरजो
 दानलाय...सुलाइ जिउ होनानैब्लाबो लुगोन जो
 हिमालय हाजोआव बेलदि न' ।
 जांखि खांयो आयै बिग्राय फारिफोरा.....
 नोल' दुफां बोथोरनि बार बायदि
 सिमब्रे-सिमब्रा हिउ-हिउ.....
 बारनाय बारोजो बिरफानानै जावलिया जानो दासान ।
 मा एसे गात्रि आयै नोनि खाफालालाय ।
 बबेबा लैथोनिक्राय फैनाय दै बाना बायदि...
 उलथांलाय फालथांलाय ।
 दासान नो आयै हारसिडै जांखिखांनो माखासे
 आरमि पुलिसफोर बायदि ।
 जो द आयै जो द.....
 जेब्लाबो दासाननो आयै दासान...
 जेब्लाबो नोनि मेगननिक्राय गहनो बबेबा जायागानिक्राय
 फैनाय दैबाननि मोदै ।
 मा एसेबां दुखुथिया आयै नोनि महरालाइ ।
 बिजिर- बिजिरनानै नायब्लाबो
 खुगायाव खुदै मेगनाव मोदै ।
 मा एसेबां दुखुथिया आयै बे उजिगासेयाव
 जोनि जोनोमालाय ।

मुसि जाइखनं ब्रह्म
 ला:सो:- सान्तिपुर
 जिल्ला-कक्राझार बि टि ए डि

रंजालि गथ' फोरनि सौरा

गोसोया हास्थायो नोखौनो

गोसोया हास्थायदोमोन नोखौनो
 जिउनि असे खालामनानै लानो ।
 मेगननि नोजोराबो नोखौल'
 आंनि गोसोया हास्थायो नोजोनो,
 नोखौ दसे नुवाब्लानो
 गोसोया खोमसि दरसि मोनो ।
 सायख 'नानै लादोमोन आं नोखौनो
 जिउनि जोबथा समहा लागौनो
 बे आंनि जोनोमसे जिउआव ।
 आं नोखौ बे जोनोमाव
 माबोरै मोननो हानो ।
 नाथाय नो आंनि गोजानाव मानो ?
 आंदि नोखौ एसेबां मोननो हास्थायो
 हाया, नाथाय आं नोनि सिगाडव फोरमायनो ।
 फोरमायनो हायाब्लाबो
 नै बे खन्थायनि गेजेरजो फोरमायबाय आडे ।
 नाथाय नो आंनि जानगारावसो ।
 अन्नायखौ होजोबनो सान्दोमोन नो नो
 नोसो आजावगोना आजावआ आं मिथिया ।
 नो आंजो मानो एरा एरा थायो
 आं नोनि गोरोस्थि मावदोमोन नामा ?
 सोर इसोरा नोखौ सोरजियामोन सना
 एसेबां महर गोनां नो रेज्या ।
 नो नडब्लाबो आंहा
 बे जोनोमसे जिउआव खाना ।
 खोनानो मोन्दोमोन आं
 नो अनसुलाया गावनि अन्नायखौ
 सोरनोब्ला होबाय ।
 आंनि गोसोया जोबोर दुखु मोनो सना,
 सानाखैमोन आं नो अनसुलाया
 आंखौ हारिं आंनि थानि खालामगोन ।
 आं दा हारिंडे माबोरै
 थानो हाबावनो ।
 सान्नाय मानि गासिबो
 फैमाल जालांजोब्याय ।

मिस मिजिं ब्रह्म
 जिल्ला- कक्राझार
 बि टि सि आसाम ।

बिमानि मिजिं

बिमाया जोनोमगिरि फिसानि
 गावनो जोनोम होयो फिसाखौ,
 मिजिं दं बिमाहा फिसानिसिम
 जोनोम होथारनायनि फिथाय मोनो ।
 जोनोम होआ बिमाया फिसाखौ
 ओरैनो मिजिं गैया जासे,
 सिमां नुयो फिसाखौ लानानै
 सनानि नखर दानो ।
 सानो बिमाया फिसानि सेराव
 दुखु गैया जासे गसनो,
 दाखोख्तै फिसाया बिमाखौ दुखुआव;
 मेगनआव दाग'हो थरथंसेबो मोदै ।
 जोनोमगिरि बिमाया
 खाडै बायै फेदेरो फोलावयो,
 फोरोडे गावनि रावखौनो
 नड बिमाया अननाय गैयै ।
 नुयो बे माया संसारव
 फिसाया देरनानै बिमाखौ मोदै हुगार होनाय,
 दड बिमाखौ बिमा सानै मान होयै सोमोन्दो लायै
 अब्ला जायो बिमानि मिजिं फेलें ।

अविनास ब्रह्म
 गामि- 1 नं चापागुरि (बेंटल गेट)
 ला:सो:- चापागुरि
 जिल्ला- चिरां , बि टि ए डि आसाम ।

बारसे गलाब बिबारनि सावगारि

खोनसं नो बारसे गलाब बिबार
 आंनि बुलानो नागिरनाय खोथाखौ,
 जाय बिबारनि सावगारिआनो-
 आंखौ गोसो गोजोन होबोनानै,
 गोबाव दिननिक्रायनो आंखौ,
 गोबां बिथिडव
 थुलुंगा होबोबायथाबोदो ।
 दिने बे गलाब बिबारनि सावगारिआनो
 खोन्दो खोन्दो जिल्फेनानै,
 आंनिक्राय बेसेबा गोजानाव बिरलांबाय
 जाय बिबारनि सावगारिआ गैयाब्लानो
 आंनि गोसोआ दाबसे जायगायाव
 दिदोमै थाथेरनो हाया ।
 अब्ला आं बोरैथो दावगानो हालायखो ?
 बिनिक्रायनो आंनि गोसो गोबोजो
 नो गलाब बिबारनाव आर'ज गबनाय जायो
 बै जिल्फेनाय सावगारिखौनो
 नोनि गोहोजो गोदान महर होना
 आंनिसिम बिरहोहरफिनदो,
 अब्लानो आं आंनि जिउनि सिमांखौ,
 अरायबो मोकथांआव जाफुंसिगोन
 होन्नानै गोसोआव गोजोन्नाय मोनसिगोन ।

फैलाव बसुमतारि
 गामि-हुलमागाव
 ला:सो:- सट निलिबारी
 जिल्ला- चिरां बि टि सि आसाम

गोमानाय बिमा

दंमोन आंहा
 नो अनसुलि बिमाल'
 नाथाय आनत्रायलांबाय
 नो आंखौ नागारनानै
 मिथिस' मोने जायगायाव ।
 बेसे गोजोनगोमोन आइ आं
 नो आंजो लोमोसे थायोमोनब्ला ।
 नुयोबा मालाइनि रंजा-बाजा
 बिखा गावो आंहा दुखु जायो नोखौ गोसो खानानै
 दाबो खोनयो आं आयै खोनाफा-माफा
 आंनि फिसा होन्नानै आंखौ गाबजिनायखौ ।
 नोखौ गोसो खानानै आंनि मेगनजो मोदै गयो
 दुखुनि महरखौ नुवाखैमोन आं आयै
 नो थानानै थानाय समाव
 नाथाय आं दा जानांबाय दैजो बुखार जानाय,
 खोस्लिपाना बिफां ।

मैखोम ब्रह्म
 गामि- सिम्बरगाव , बाथावारी
 ला:सो:- सिम्बरगाव
 जिल्ला- कक्राझार बि टि सि आसाम ।

मिथिंगा

बेसेदि समायना जोनि हादरनि मिथिंगा महरा ।
 जैरैथिंभो सोमखोर समायना
 बिफां-लाइफांजो समायफलेनाय ।
 मिथिंगा बिखानि सायाव
 दावसिन दावलानि गोदै-गोदै गारांजो
 मेथाय रोजावनायाव
 आंनि दुखुयाव नांथावनाय,
 गोसोयाबो रंजा खाडे ।
 मिथिंगानि सोमखोर
 समायना महराव,
 हायला-हुइला बार बारनायाव ।
 जिब-जुनात आरो
 दावसिन-दावलायाबो रंजाखाडे ।
 बेसेदि समायना,
 जोनि हादरनि मिथिंगा महरा ।

मुसि अरायथा बसुमतारि
 ला:सो:- बिसपुरि ।
 जिल्ला- कक्राझार बि टि सि आसाम ।



(□ १ बिलाइनिफ़्राय)

दरंआवबो सासे देहा फाहामगिरिखौं बुदों

मेडिकेल कलेज हस्पतालनि डक्टरआ प्राइभेट नर्सि हमआव बेरामिफोरखौं नायनो थानाय समाव गोबाव सम जानायलाय बेरामिनि नख 'रनि सुबुंफोरा हरखाबै गाग्लोबनायाव जोखेम जानो गोनां जायो । सुलुइव फोरस्मायथिनाय बादिब्ला, ओन्सोलनि लाइमोन कंग्रेस दैदेनगिरिआ डक्टर आली आहमेदनि सायाव गात्रि आखु दिन्थिनायजों लोगोसे देहायारि साजा होनायखौं लानानै खारुपेथिया पुलिसआ दायनिगिरिखौं हमनानै गावसिनि जिम्मायाव लायो आरो जेरा खालामो ।□

मुसलपुराव हाथियार दिन्थिनानै दुथांफोरा रां

नडै रांखान्थियारि फर्सथाननि गुपेस्वर कलिता मुंनि बिबानगिरिया मुसलपुरनि अदालबारिनिफ़्राय ल'ननि सुटफोरखौं बोखानानै नलबारिनि मावख'सिम मटर साइकेलजों थांबाय दड'मोन । बे समावनो साननि खमैबो १.३० रिंगासो समाव खारुजाननि टेक्सटाइल पार्कनि साखाथियाव थानाय दालाडव गंसे मटर साइकेलआव फैनाय सानै दुथां सुबुंफोरा कलिताखौं लाखिना हाथियार दिन्थिनानै ५९ रोजानिबो बांसिन रांखौं लुथियो । कलिताया दालां सानिफ़्राय बारञ्चुमोनानै गावनि जिउखौं रैखा खालामोब्लोबो बनि बेगआव थानाय रांखान्थियारि फर्सथाननि ५९ रोजा रांखौं दुथां सुबुंफोरा लुथिनानै लाडो । बे जाथायनि बागै खौंरां मोनानै जिल्लानि लेडइ पुलिस बिबानगिरि प्रनबन्थति कलिता, मुसलपुर आरो बरमा पुलिस थानानि बिबानगिरिफोरा जाथायथिलियाव नुजाथिहेनानै नायबिजरनाय हाबाफारि लायोब्लोबो अदेबानि बे खौरां लिरनायसिम जाथायनि दायनिगिरिफोरखौं हमनो हायाखैमोन । मख'नो गोनांदि बाक्सा जिल्लानि बरमा-निकासि पि डब्लिउ डि लामायाव थानाय समफोरावबो गोबां खेब गुबुन गुबुन फर्सथानारि बिबानगिरिफोरनिफ़्राय दुथां सुबुंफोरा रां लुथिना लांनाय जाथाया सोमजिफ्लेबाय थादोंब्लोबो पुलिस बिफाना दिनैसिमबो बे जाथायजों लोब्ला गोनां सासेबो दायनिगिरिफोरखौं हमनो हायाखै । आथिखालाव मुसलपुर पुलिसआ बे जाथायनि सायाव नायबिजरनाय हाबाफारि लादों होन्नानै मिथिनो मोन्नाय जादों ।□

बि टि आर गोरोबथाखौं मावफुंनायनि

एनडिएफबनि सा ४,०३६ सोद्रोमाफोरा गुबै थांखियाव फैनाय एबा गावसोरखौंनो संसार गोजोननि थाखाय जों गोरोबफैनायनि थाखाय बिसोरनि साफ़्रोमबो केदारफोरनि मुडैगासै १६० कौटिं रां होनानै बिसोरखौं गाव-गावनि आथिडव गसंथानो थाखाय रांखान्थियारि अन्सुंथाय होनो थाखाय आसाम सरकारआ दिनें फोसावनानै होबाय । बे हाबाफारिआव बिटिसि खुंथाय आरो रइज्योयारि गामियारि खुंथायखौं जुथायै हेफाजाब होनायजों लोगोसे आइजिपि हिरेन नाथखौंबो गावसोरखौंनो गथायनाय एनडिएफबिफोरनि केदारफोरखौं समाजयारि रांखान्थि सिबिथाय एबा जौगाखां होनो मदद होनायाव हेफाजाब होनो थाखाय गिबि मन्थ्रिआ बिथोन होयो । मख'नो गोनांदि, बे हाबाफारिआव सा ४,०३६ एनडिएफबिफोरखौं गाव-गावनि आथिडव गसंथानो थाखाय सरकारनि बिथिनिफ़्राय फोरोंथाय होनो थांखि लादों । मख'नो गोनांदि, दिनैनि सावराय जथुमआव २०२० माइथायनि २७ जानुवारीआव जानाय मोनसे बिटिआर गोरोबथानि गेजेरजों बिटिआर गावखुंथायखौं मोनसे जर'खा महरै रांखान्थियारि बिथिडव गोखों खालामनो थाखाय बे गोरोबथाखौं खालामनाय जादोंमोन । बे गोरोबथानि गेजेरजोंनो बर' माहारिनि हारिमु, राव आरो सोलोंथायखौं गोजौ थाखोआव जौगाखांहोनायनि थाखायबो थांखि लानाय जादोंमोन । मख'थावना बाश्रादि, दिनैनि बे जर'खा जथुम्मायाव गिबि मन्थ्रि ङ हिमन्त बिश्व शर्माया बड'फा उपेन्द्रनाथ ब्रह्मनि सान्थौंखो नोजोर होनानै आरो बर' माहारिनि समाजयारि-रांखान्थिखौं जौगाखांहोनायनि फासैं गोनांथि होनायखौं मख'दें ।

गुबुन फासैंथि बे जथुम्मायावनो गिबि मन्थ्रिआ बड'फा उपेन्द्रनाथ ब्रह्मनि मुडव गायसन्नो गोनां हारिमुवारि दिन्थिफुंसालिनि थाखाय मिरु सरकारआ थाबैनो बर' हारिनि हारिमु आरो आसार-खान्थिखौं जौगाखांहोनायजों लोगोसे बेजों सोमोन्दो थाफानाय गुबुन गुबुन जौगाखां खामानिफोरखौं मावनो थाखाय गिबि मन्थ्रिआ बिथोन होयो । बेनि अनगायैबो दिनैनि बे जथुमआव डब्लिउपिटि आरो बिसि(बिटिसि)नि बेंखनआव थानाय बिफानखो गोदानै बिमुं होनानै बिटिसि जौगाखां बिफान महरै बर' माहारिखौं जौगाखां गोदानै बिमुं होनाय जायो । गिबि मन्थ्रिआ बुंबावोदि, बिटिआरनि बेंखनआव थानाय दरङ्गे जिल्लायाव आइजिपि, डिआइजि, एडिसनेल डिजिपि, एडिसनेल एस्पिफोरनि थाखाय रिसडेन्सिएल क्वार्टर लुफुंनानै होनाय जागोन होन्नानै गिबि मन्थ्रिआ फोरस्मायथियो । मख'नो गोनांदि, दिनैनि बे जथुमआव सिफ सेक्रेटारि जिण्णु बरुवा, डिजिपि एलआर बिण्णइ, जर'खा डिजिपि जिपि सिं, गिबि मन्थ्रिनि सिफ सेक्रेटारि समिर कुमार सिन्हा, नख'र आरो राजखान्थि बिफाननि नेहाथारि मुकेश साहु, टेक्स बिफाननि प्रिन्सिपाल सेक्रेटारि अविनाश जशि, सोलोंथाय बिफाननि प्रिन्सिपाल सेक्रेटारि बि कल्यानमोनहा चक्रवर्ती, आइजिपिएस हिरेन नाथमोनजों लोगोसे गोजौं थाखोनि गोबां बिबानगिरिफोर बाहागो लादोंमोन ।□

स्यामथाइबारि-गुरुभाषा पि डब्लिउ डि लामाया जोबोर गात्रि थासारियाव

हाब्लानो लामायाव दै-हाबु बुंफनबानै हान्था-मैला खालामजाथावै जायो आरो बे लामाजोंनो सानफ्रोमबो रोजा-रोजा सुबुंफोरा हान्था-मैला खालामबोदों । बे लामानि गेजेर गेजेर गिदिर हाखर जालांनो हमनायाव हान्था-मैला खालामनाय सुबुंफोरा गोबां जेंनाफोरजों मोगा-मोगि जाबोनांदों । बे गोनांथार लामाखौं गुरुभाषानि सुबुंफोरनि सार्थंआव लुफामफिन्नायनि राहा लानो थाखाय सरकारनिफिसम ओन्सोलनि सुबुंफोरा दाबि दैखांहरो । गुबुन फासैंथि थानाय ५ जुनखालि सिदली बिधान सभा बियाबनि एम एल ए जयन्त बसुमतारी आरो बि टि चिनि एम चि एल ए माधब चैत्रि मोनहा गुरुभाषानि बायफ्लेलांनो हमनाय लामाखौं नायगिदिहेनानै लुफामफिन्नायनि राहा नाजावनाय जागोन होन्नानै सुबुंफोरनो खोथा होयो ।□

गसाइगाव महकुमानि गुबुन गुबुन सरकारि बिफाननि बिबानगिरिफोरजों कभिड-१९

सोमोन्दै बिबानगिरिफोरनिफ़्राय सुलु लायो । गुबुन फासैंथि मावफुं सोद्रोमा मुसाहारीया फैगौ समफोराव गसाइगाव महकुमा खुंथायजों लोगोसे गुबुन गुबुन बिफाननि खामानिफोराव आरो सुबुंफोरनि जौगाखानाया खामानिफोराव गासै रोखोमनि हेफाजाब होगोन होन्नानैबो मुसाहारीया फोरमायो । □

गसाइगाव आव माद्रासा टेट उथ्रिसार बिजाथिफोरा

खेब २ सम सरकारनि सिडवनो माद्रासा टेटखौं गोबां बिजाथिफोरा उथ्रिसारदोंमोन, नाथाय दासिमबो साख्रियाव थिसन जायाखै । बे माद्रासा टेटखौं गासै १ लाख २१ रोजानिबो बांसिन बिजाथिफोरा आनजाद होदोंमोन नाथाय बेनि गेजेराव २० रोजासोल' बिजाथिफोरा पास खालामनो हादोंमोन । बेखौं खालामनो हानाय बिजाथिफोरा ऐइस एस जेनेरेल मासियाव उथ्रिसार जानाय । नाथाय पास जादोंबाबो २०१५ मायथाइनिफ़्रायनो दिनैसिम ६ जोसोर जालांबाय दासिमबो साख्रियाव थिसनजायाखै । नाथाय गोबांखौंनो नुनो मोनदों गोबांआ माद्रासा टेटखौं उथ्रिनानैनो साख्रिबो मावगासिनो दं नाथाय ऐइस एस जेनेरेल मासियाव उथ्रिसार जानाय बिजाथिफोराल' जानगराव थानो गोनां जादों दासिमबो साख्रियाव थिसनजायाखै । बेनिखायनो दिनें कक्राइर जिल्ला माद्रासा टेट कमिटिनि जानानै आसाम सरकारा फोसावना होनाय बादि गासै आसामाव १ लाख सुबुंफोरनो साख्रि होगोन आरो बांसिन सोलोंथाइ बिथियाव नोजोर होनाय जागोन बुंनायबादिनो बे खेबाव माद्रासा टेट उथ्रिसार जानाय बिजाथिफोरखौंबो साख्रियाव थिसननांगौ जाहाथे बे खेबाव माद्रासा टेट उथ्रिसार जानाय बिजाथिफोरा बे खेबाव जानगराव थानाड बेनि थाखाय आसाम सरकार, आसामनि सोलोंथाय मन्थ्रि आरो बिटिसि सरखारखौं गुरैयै खावलायहरो ।□

(□ १ बिलाइनिफ़्राय)

होखारस्रानाय हाबाफारिनि हेंथायै काजलगावआव

हाबाफारि लादों । बे होखारस्रानाय हाबाफारि लानायखौं गोखों हेंथा होदों दुलाराय आसाम बाडइ सुबुं सानखो फरायसा आफाद (आमसु)आ । आसाम सरकारनि बे होखारस्रानाय हाबाफारिनि हेंथायै दिनें आसामजों लोगोसे चिरां जिल्ला बेंगिरि मावख'नि लांगोनो मोखाडव आमसुनि चिरां जिल्ला आफादिनि दैदेनगिरि-मावथि सोद्रोमाफोरा हेंथा सोमावसारनाय हाबाफारि लायो । काजलगावआव थानाय जिल्ला बेंगिरि मावख'नि लांगोनो मोखाडव दिनें सानजौफुनि समाव आमसुनि जिल्ला आफादिनि मावथि सोद्रोमाफोरा ज' जानानै होखारस्रानायनि सिगां फिनसुंथानि राहा लानांगौ, हा गैजायै सुबुंफोरनो हा होनांगौ, हा खुरखानायनि न'-बां गैजायै सुबुंफोरनो फिन सुंथा होनांगौ बायदि बायदि स्लगान होसिखावनानै ओन्सोलखौं सोगोमखां होयो । बेनि उनाव चिरां जिल्ला आफादिनिफ़्राय जिल्ला बेंगिरिनि गेजेरजों होखारस्रानाय हाबाफारिखौं हेंथा होनानै गुबुन गुबुन दाबि गोनां गांसे गोसोखालाइखौं गिबि मन्थ्रिनिफिसम दैथाय हरो ।□

चिरांआव बेसेन लायाजासे १२ थाखोनि फरा बिजाव रान्नाय

थाखोनि फरा बिजाबफोरखौं हाबाफारिनि गेजेरजों रान्नानै होनाय जायो । बे हाबाफारियाव बिजनी बिद्यापिथ गोजौसिन गेजेर फरायसालि, बेंटल गोजौसिन गेजेर फरायसालि, नेताजी सुभास बिद्या निकेटन गोजौसिन गेजेर फरायसालि, बासुगाव गोजौसिन गेजेर फरायसालि आरो सिदली-कासिकत्रा गोजौसिन गेजेर फरायसालि, गासैं गं ९ फरायसालिफोरनि फरायसुला-फरायसुलिफोरनि थाखाय बेसेन लायाजासे फरा बिजाबफोरखौं हाबाफारिनि गेजेरजों रान्नानै जोयो । हाबाफारिनि जोबथा बुब्लियाव चिरां जिल्ला एकाडेमिक काउन्व्लनि नेहाथारि निलकम्म बसुतमरीया साबायखर जासियो ।□

आसम बिधान सभायाव बर' राव बाहायनायनि सोमोन्दै

बर' सुबुं आफादा दुखु मोन्नाय फोरमायदों । दिनें सानजौफुनि १२ रिगानिफ़्राय दिसपुरनि गोदान एम एल ए थाग्रा न'नि सावराय न'भायाव मन्थ्रि पिजुस हाजरिकानि खावलायनायाव खुंफुंनाय मोनसे गोनांथार मैलाव बि टि आर गोरोबथायाव सागान होगिरि आफाद खौंसेथि बर' सुबुं आफादखौं हांख्रायहरैनि थाखाय दुखु मोन्नाय फोरमायदों आफादिनि आफादगिरि मनुरन्जन बसुमतारी आरो गाहाय नेहाथारि पिताम्बर ब्रह्मआ । □

हजाय जिलानि काकी ओनसोलाव जानाय जाथायखौं लानानै खुद्रिसारदों फराइसा आफाद आमसुआ

माजाहारुल इसलामा । लोगोसे न'-बां खहा जानांनय नखरफोरनो फिन थाना थानायनि राहा आरो खहा सुफुंथाय होनांगौ होनना आसाम सरखारनिफिसम दाबि दैखाडो । आथिखालाव सोलिबाय थानाय गिखंथाव करना महामारीनि समाव राइजो-राजाफोरखौं बेबायदि खालामनाया जोबोद दुखु नांथाव जाथाय । गोदान सरखारा मासियाव जिरायनाय लोगो लोगोनो बेबायदि जाथाया मुसलमानफोरनि जायनायाव गोबांसिन बेबायदि हाबा मावनायखौं नुनो मोननाय जादों । बेनिखायनो बेबायदि हाबाफारिखौं बन्द खालामनांगौ होनना आसाम सरखारखौं खावलायदों आरो फैगौ समाव बेबायदि जाथाय जाबोवोबा आमसुआ सुबुंखानथि नि गेजेरजों सोमावसारनायनि हाबाफारि लागोन होनना बुंथियो । आरो हजाय जिल्लानि जाथायखौं लानानै दुखु मोननाय फोरमायो ।□

(□ १ बिलाइनिफ़्राय)

गिबि मन्थ्रिआ ड॰ शर्माआ सिपाइरानि ओन्सोलफोरखौं नायगिदिहेनानै होखारस्रानाय

पुलिस आरो जिल्ला खुंथाया होखारस्रानाय हाबाफारि लानानै आयेन बेरेखायै हाबखनफैग्राफोरनि आखायनिफ़्राय उदां खालामदें । बेनि उनावनो ओन्सोलनि खौरांगिरिफोरनि मोगा-मोगि लानायाव गिबि मन्थ्रि शर्माया बुडोदि आयेन बेरेखायै हाबखनफैग्राफोरखौं होखारस्रानाय हाबाफारिनि थाखाय पुलिस आरो जिल्ला खुंथाया राहा लानायखौं साबायखर बाडनायजों लोगोसे दासिमबो आयेन बेरेखायै हाबखनफैग्राफोरनिफ़्राय उदां जायै हाफोरखौं नागरानानै थानो थाखाय आयेन बेरेखायै हाबखनफैग्रा फोरनिफिसम खावलायहरो । जारिमिनारि शिब मन्दिरनि स्रैखाथिनि थाखाय गासैबो रोखोमनि राहा लानाय जागोन होन्नानै फोरमायनानै मन्दिरनि आलासि जिरायसालि आरो सिमानि वाल लुफुंनायनि राहा लानाय जागोन होन्नानै गिबि मन्थ्रिया मन्दिर सामब्लाय आफादनो खोथा होयो । राज्योनि सत्र आरो मन्दिरफोरनि हाफोरखौं आयेन बेरेखायै हाबखनफैग्राफोरनिफ़्राय उदां खालामनो थाखाय राज्यो सरकारा सतबांसा लानायनि फासैं फोरस्मायथिनानै बिथाड बुडोदि आसामनि हा, सिनायथि, हारिमु, राव आरो जारिमिनखौं स्रैखा खालामनायनि थाखाय सरकारा गासैबो राहाफोरखौं नाजावना लानाय जागोन होन्नानै गिबि मन्थ्रि ङ हिमन्त बिश्व शर्माया बुडो । दिनैनि बे नायगिदिहेनया हाबाफारियाव गिबि मन्थ्रिजों लोगोसे उद्यग आरो फालांगि बिफाननि मन्थ्रि चन्द्र महन पाटवारी, सिपाइरानि एम एल ए रपमानन्द राजवंशी आरो मंगलदैनि बारग' एम एल ए गुरुन्थति दासजों लोगोसे जिल्ला खुंथायनि बिबानगिरिफोराबो बाहागो लादोंमोन ।□

फैगौ डिसेम्बर दाननिफ़्राय बर' रावआ आसाम बिधान सभायाव बाहायजासिगोनः बिस्वजित

फोसावजादोंब्लोबो दासिम बर' रावआ रइज्योआव आबुडै बाहायजानायखौं नुनो मोनाखै । बबेखानि रइज्योनि नैथि एबा लोगो सरकारि राव महरै फोसावजानाय हिसाबै गासै सरकारि मावखुलिफोरवबो बर' रावआ समानै बाहायजानायनि मोन्थाय दसैं । बे बिथिंखो नोजोर बोनानै रइज्योनि लोगो सरकारि मावखुलि राव महरै गनायजाबाय जेब्ला बे रावखौं बाहायथारनांगौनि फासैं गोनांथि होनानै बर'नि दैदेनगिरिफोरनि गेजेराव मोनसे सानखांथि फैदों । जायनि थाखाय बर' रावखौं रइज्योनाडै मोनसे बयनिबो थाखाय बाहायजाग्रा एबा सरकारि मावखुलिफोराव बर' राव बाहायनायखौं गोनांथि होनानै बेखौं मावफुंनायनि फासैं गोसो होनाय नुनो मोन्दें । बेनिनो असिलायै आसाम बिधान सभानि बुंथिगिरि बिस्वजित दैमारिनि हांख्रायनाय बादिदैं दिनें रइज्योनि राजथावनि दिसपुरआव थानाय एमएलएफोरनि हस्टेलनि सावराय नब्लाडव बर'नि माखासे आफाद गौथुमफोर आरो एमएलएफोरखौं लानानै गुवारै सावरायलायनाय जादों । जर'खायै आसाम आइन-आफादआव बर' रावखौं बाहायनाय आयदाखौं लानानै बुंथिगिरि बिस्वजित दैमारिनि मासि सामलायनानै दैदेन्नाय दिनैनि बे मैलाव आसामनि मन्थ्रि इउजि ब्रह्म, बर'नि गासै एमएलएफोर फारियै-गबिन्द बसुमतारि, रबिगर नाजार्नि, लरेन्स इसलारि, जयन्त बसुमतारि, दुर्गा दास बर', एबसुनि आफादगिरि दिपेन बर', गाहाय नेहाथारि खनिन्द्र बसुमतारि, बर' थुनलाइ आफादिनि आफादगिरि तेरेन बर', गाहाय नेहाथारि प्रशान्त बर', बर' रेवग्रा जथुमनि दैदेनगिरिफोरनि बाहागो लानायाव बर' रावखौं फोथांनानै लाखिनाय आरो जौगाहोनायनि थाखाय राहा लानायनि फासैं गुवारै सावरायलायनाय जायो । बे सावरायलायनायनि गेजेरजों गुबुन गुबुन आफाद गौथुमनि दैदेनगिरिफोर आरो राजखान्थि दैदेनगिरिफोरनि गावबा-गावनि सुबुरुप एबा बानबुंथि लाखिलायनायनि गेजेरजों बर' रावखौं बौरैबा जौगाहोनो हायो बेनि फासैं माखासे थांखिफोरखौंबो लानाय जायो । बे मेल जथुमनायनि गेजेरजोंनो बर' रावखौं आसाम आइन आफाद जथुमआव साफ़्रोमबो बर' एमएलएफोरा गावबा-गावनि बिमा राव एबा बर' रावजोंनो बिबुंथि लाखिनो हानायबादि मावफुंनायनि थिरांथा लानाय जायो । मेल जथुमखानायनि उनाव आसाम बिधान सभानि बुंथिगिरि बिथां दैमारिआ खौरांगिरिनि सिगाडव फोरमायनाय बादिब्ला, फैगौ डिसेम्बर दानआव जानो गोनां आसाम बिधान सभानि जथुम्मानिफ़्राय बर' रावआ बाहायजागोन । बर' रावआ आसामनि लोगो सरकारि राव महरै फोसावजानाय हिसाबै आसाम आइन-आफाद जथुमआवबो बर' रावजोंनो बिबुंथि लाखिनो थाखाय साफ़्रोमबो बर' एमएलएफोरा खाबु मोनसिगोन । लोगो सरकारि राव हिसाबै रइज्योनि मोनफ़्रोमबो बिफानआवनो जायखि-जाया सोदोब एबा बाश्राखौं बर' रावआव दानस्लायनायनि हाबाफारिखौं लानाय जागोन होन्नानै बिथां दैमारिआ खौरांगिरिनि सिगाडव फोरमायथियो ।□

गहेला बर'खौं गोजौ थाखोनि फाहामथायनि थाखाय एम्मआव दैथायहरगोन

नोजोर होनानै बिटिसिनि मावफुं सोद्रोमा अरुप कुमार देआ मोजां फाहामथायनि थाखाय सानथामनि गेजेरावनो दिल्लीनि एम्मआव फाहामथाय होनायनि राहा खालामनो खोथा होदों । मख'नो गोनांदि, गहेला बर' बिथाड बिटिसि ओन्सोलनि सासे मुंदांखा आसांरि । बिथाड थानाय २०१५ माइथायाव नेसेनेल गेम्सआव सनानि मेडेल देरहानानै बिटिसि ओन्सोलखौं मुंदांखा खालामदोंमोन । बेखौं नोजोर होनानैनो दिनें बिटिसि सरकारआ गहेला बर'नि फाहामथायनि थाखाय जेसेबां रांखान्थियारि हेफाजाब नांगौ बेखौं बिटिसि सरकार आरो आसाम सरकारआ रुजुनगोन होन्नानै खौरांगिरिफोरनि सिगाडव फोरमायथियो ।□

नीलनि बाथा

गोमोथावयै बे सौंलुखौं सोदें । इराज साहाबफोरा भारती आबादारीफोरखौं जोबोर बोलोजों गोहोजों नील बिफाड मटर बिफां बायदि । बिलाइफ़्रा गोथां अपराजिता बिबार्नि बायदियानो । लिबइफ़्रा नाथायवा गोजा एबा हाल्दै गाबनि । नील बिफांनि बिलाइखौं सिफ्ले नानै नील गाबखौं दिहु न्नाय जादोंमोन । बे बिदैनिफ़्रायनो नीला खालामनाय मैफ़्राइ फिथाइनिफ़्राय ओंखारनाय बिदे खालि बायदि । नील बिफांनि बिलाइखौं दान्नाय लोगो लोगो नीला बिदै ओंखारो । बिलाइफोरखौं दैआव दसे सम सोमहाबनानै दोनोब्लानो दैआ नील जायो । बेनि उनाव नीला बिदैखौं सान्डुइव फोरनानै एबा इसे बिदुं होन्नानै नीला नि दाना मोन्नाय जादोंमोन । नील बिफांनि इराजी मुड "इण्डिया फोरा" । बिदिव्ला आथिकालाव जॉनि हादतआव नील आबादखौं मानो खालामनाय जाया ? दिप्पीआ

गोनोखोआ दिनें जोंखौं गोबां गोरलै खामानियाव मदद होनो हाबाय । जोबोर रंजाखांथाव बाथा, नीलनि दिहुन्नायाबो हखांबै सोमजिनायसो । नों फोथायगोन ना बे नीलआ खैलानिफ़्राय सोमजिनाय ? खोथाखौं फोथानो गोसो जाया । जों मिथिगो खैलानिफ़्राय सेकेरिन्, नेपथेलिन,मम बायदिफोरखौं मोन्नाय जायो । गोनोखोंगिरिफ़्रा सान बायदि नेपटे लिनजों अक्सिजेनखौं गलायोब्ला नीलखौं मोन्नो हागोन । सान्नाय बायदिदयै खामानियाव नांथावबाय । गोबां आनजादसालीआव गुबुन गुबुन रासायनिकफोरखौं नेपटेलिनजों अक्सिजेनखौं गलायो बर'नाय नाजाबाय । अब्लाबो जेबो रोखोमनि नील मोन्नाय जायाखैमोन । सानसेखालि हरखाबै मोनसे जाथाय जादोंमोन । सासे गोनोखोंगिरि आ मोनसे गामलायाव नेपटे लिनखौं

सान्डुइव फोरान्दोंमोन । खाथियाव बिदुंखौं सुनो थाखाइ मोनसे थार्ममिटरबो लाखादोंमोन । गोनोखोंगिरिआ मावा माखि खालामफुबाय थानाय समावनो हरखाबै थार्ममिटरा गोरलै नानै बायओ । थार्ममिटरनि सिडव थानाय पाराआ इसे रेजेदनानै नेपटे लिन दोन्नाय गामलायाव नांहै यो । गोमोथाव । लोगो लोगो नेपटेलिन आरो अक्सिजेनजों ज' जायो आरो बानायनाय नीलआ गासिबो नील जायो । बे बायदिनो नीलनि जोनोमा जादोंमोन । जाय थांखियाव गोथौयै गोदोहाबो बेयाव देरहासादयो होन्नाय फंसै बाथा दं । नुबाय मुवा बेसाद दिहुन्नाया माबायदि हरखाबै सोमजियो । गोनोखोंगिरिफोरनि गोबां दिहुन्थायफ़्रा बेबायदिनो हरखाबै सोमजिनायनि बिदिव्थि दसंगारो । □



टाइम्स 50 मस्ट डिजायरेबल उमेन 2020 नि फारिलाइआव रिया चक्रवर्तीआ टपआव थादों

मुम्बाइ, 7 जुन : फावखुंगुर सुशान्त सिं राजपुतनि रूसारि जानायनि उनिनफ्राय रिया चक्रवर्तीआ लाश्रिये खौराडव थाबाय थादों। ड्रग्सजों सोमोन्दो गोनां केसआव रियाआ गहाय दायनिगिरि जादों। माब्लाबा बिन बिबुंधिआ खौराडव थादोंब्ला माब्लाबा बिन हैंथायै दाय जाबसिनजानाया खौराडव थाबाय थादों। टाइम्स 50 मस्ट डिजायरेबल उमेन 2020 नि फारिलाइआ सोराडव फैदों, जेराव 40 आलादा आलादा



ओन्सोलनि आइजोफोरा दंफादोरो। फारिलाइआव बै आइजोफोरोनो जायगा होनाय जादों जायफोरा थानाय से बोसोराव बयनिखुइबो बांसिन

गोहोम खोखैदों। रियाआ बे फारिलाइआव टपआव थादों। फारसेथिं 50 मस्ट डिजायरेबल उमेन 2020 नि फारिलाइआव सुशान्त सिं राजपुतआ गिबि

थाखोआव थादों। जरखा महैरे बेबायदि मानिनाय जायोदि, ग्लेमास लुक्स एबा फिजिकनि जाहोनाव स्टारफोरा बेवहाय जायगा मोनो, नाथाय बेबायदि नड। फारिलाइआव बै सुबुंफोरा जायगा मोनो, जाय सुबुंफोरनि सायाव एबा सरासन्ना महैरे गोहोम खोखैनायाव जाफुसारनो हायो। बे रेकिंखो अनलाइन पलआव मोन्नाय भटफोरनि सायाव बिथा खालामनानै थि जादों। थानाय बोसोराव रियाआ बयनिखुइबो

बांसिन सावरायजानाय सुबुंफोरनि गेजेराव थादों। आथिखालाव जाय जाहोनि थिथाय बियो खौराडव थादों बेनि सोमोन्दै बियो गावनो सानाखै जानांगो। सुशान्त सिं राजपुत केसनि उनाव बिन जिउआ हरजों हर सोलायदों। आथिखालाव बांसिन खाबुफोराव रियाआ सिरियैनो थादों आरो माब्लाबा गावनि पस्टजों माब्लाबा टीसाटआव लिरनाया स्लगानजों गावनि बाथाखो बुंनो नाजादों।

गाहाम देहानि राहा

ज्वारनि रुटिआ लिरथाइ खमायनायनिफ्राय लानानै डायबिटिज बेरामिफोरनि थाखायबो मुलाम्फा गोनां

गोदान दिल्ली, 7 जुन: जों दिने बेयाव ज्वार आटानि रुटिनि मुलाम्फानि सोमोन्दै सावरायगोन। जुदि लिरथायखौ बाडइ खालामनो लुबैदोंब्ला एबा देहाखौ गाहामै लाखिनो थाखाय डइटाव सोलायनो लुबैदोंब्ला ज्वारनि रुटिखौ लाफनो हागोन। बेयो मैदा एबा गमनि आटानि मोनसे गुबुन



महर। डइटिशियन डा० रन्जना सिंनि बायदिल्ला, ज्वारआव माखासे रोखोमनि देरहोग्रा लावहोग्रा गुनफोरजों बुंफबना थायो, जेराव देहानि मुलाम्फाफोरा हाबनानै थायो। ज्वारआव फाइबार्नि गाहाम बिबां थायो, जाय दोगोनआव साबसांहोयो। लोगोसे उदैनि जेनाफोरनिफ्रायबो रैखा खालामो।

1. ज्वारआव मिनानेल, प्रटीन आरो भिटामिन बि कमप्लेक्स बायदि माखासे देरहोग्रा-लावहोग्रा गुणफोरखौ गोबाडै मोन्नाय जायो। बेनि अनगायै ज्वारआव गोबां बिबांनि पटेशियाम, फस्फरास, केल्शियाम आरो आयरनबो थायो। बेयो ग्लुटेन फ्रि जायो आरो जाय सुबुड ग्लुटेन फ्रि जानायनि जाहोनाव गम जाया बिसेर ज्वारनि रुटिखौ जानो
2. डइटिशियन डा० रन्जना सिंनि बायदिल्ला, आयरन आरो खनिजों बुंफबनाय ज्वारआ देहानि थै सोदांनयखौ बारयहोनायनि खामानि मावो। फारसेथिं आयरन गोजा थैनि जिबिखफोरखौ जौगाखांहोनायाव साबसांहोयो। बेर फारसे खनिआ देहायाव आयरननि गोनांथिखौ बारयहोनायो।
3. फाइबार्जों बुंफबनाय ज्वारआव गोजां थाखोनि गुण गोनां प्रतिनो थायो। बे मोनैबो नॅथांनि उदैखौ गोलाव समसिम बुंहोनायै लाखिनायाव मदत खालामो आरो जायखि-जाया समाव आदार जानायखौ होबथायो। गम एबा मैदानि जायगायाव ज्वारनि रुटि जानायजों नॅथांनि उदैआ गोबाव समसिम बुंनानै थायो। जायजों
4. ज्वारआव थोजासे बिबांनि मेग्निशियाम थायो, जाय देहायाव केल्शियामखौ जौगाखांहोनायाव मदत खालामो। मानोना गोखों बेगेफोरनि थाखाय केल्शियामआव जोबोद गोनां जायो।
5. ज्वारआ डायबिटिजआवनो मुलाम्फा गोनां जायो। मानोना बेयाव बेनिन मुनि मोनसे देरहोग्रा लावहोग्रा गुण थायो, जाय एन्डाइम्सनि प्रडाक्सनि सायाव कन्ट्रल खालामो। बेनि अनगायै बेयो देहायाव इन्सुलिन आरो ग्लुक्जनि थाखोखौबो कन्ट्रलै लाखियो।


(नट: बेयाव होनाय राहाखौ आजावना लानायनि सिगां डाक्टरनि बोसोन लाग्रो)।

'एक हाजारो में मेरी बेहेना' नि बिबै' तरला जशीआ रुंसारि जाबाय



गोदान दिल्ली, 7 जुन : 'एक हाजारों में मेरी बेहेना है' आरो साराभाइ वर्सेस साराभाइ बायदि सिरियालफोराव फाव खालामखांबाय टिबि फावखुंगुरि तरला जशीआ रुंसारि जाबाय। मिडिया रिपटनि बायदिल्ला, बियो थानाय शनिबारआव जोबथा हां बोदों। बिन रुंसारि जानायनि जाहोन्खौ मोनथिनाय जायाखै। तरला जशीजों लोगोसे फाव खालामखांनय टिबिनि मुंदांखा फावखुंगुरि निया शर्माआ गावनि इन्स्टाग्रामआव पस्ट खालामनानै दुखु फोरमायदों। नियाआ तरलानि माखासे सावगारिफोरखौ सेयार खालामदों आरो लिरदों आर आइ पि जौखौ गोसो खांगोन आबै गुबुन मोनसे सावगारियाव नियाआ लिरदोंदि, 'तरना जी नों अरायसम गिदिर बिबै जाना थागोन।' सावगारियाव फावखुंगुरि दिव्यज्यति शर्मा आरो अन्नु महेन्द्रखोबो नुनो मोन्दों। मख'नो गोनांदि, एक हाजारों में मेरी बेहेना है' आव निया शर्माया मानवीनि फाव खालामदोंमोन, जेराव तरला जशीआ बिबैनि फाव खालामदोंमोन। फोरमायनाय जादोंदि, सिरियाल बन्दिनी'नि फावखुंगुरि आजिया काजी आरो मृणाल जैननि बिन सोमोन्दोआव दडमोन। तरलाया बन्दिनीआवबो फाव खालामदोंमोन। तरला जशीआ हिट सिरियाल साराभाइ वर्सेस साराभाइ' आव इन्डबदननि बिमा बा नि फाव खालामदोंमोन। सिरियालनि उनाव बियो बांनि मुंजों मुंदांखा जादोंमोन।

स्कूलनि गथ 'फोरा एकता कापुरनाव बिफानि सोमोन्दै सौंथि सोडेमोन



गोदान दिल्ली, 7 जुन: बलीउड फावखुंगुरफोरनि मुडखौ गावसोरनि क-स्टारफोरजों सरजाबनाया सरासनन्ना बाथा जादों। गोजाम मुगानिफ्राय लानानै दासिमाव हीर'-हिर'इनि लिंकअपनि खौरांफोरा सम-सम खौरांफोराव थायो। फारसेथिं जितेन्द्रनि बाथाखौ बुडोब्ला बिन मुडाबो माखासे फावखुंगुरिफोरजों सरजाब जाखांबाय। थारैनो बियो शभा कापुरजों लाभ मेरिज खालामदोंमोन, नाथाय हेमा मालिनीनिफ्राय लानानै श्रीदेवीजों लोगोसे माखासे फावखुंगुरिफोरजों बिन एफेयारनि जाथाया खौराडव थाबोदों। बिन फिसाजो एकता कापुरआबो फोरमायखांबायदि स्कूलनि गथ 'फोरा बिन बिफाजों श्रीदेवीनि एफेयारनि सोमोन्दै सौंथि सोडेमोन। जितेन्द्रआ सभाखौ 14 बोसोर बेसोयाव मरीन डइडवआव नुदोंमोन। बेनि उनाव सम-सम लोगो मोनलायबाय थादों आरो लासै-लासै लोगो जानाया गोथीसिन जालाडो। शभाया कलेज फरायोमोन आरो जितेन्द्रआ हिर' जाखाबायमोन। बेनि उनावनो बिन मुडा माखासे फावखुंगुरिफोरजों लोगोसे सरजाबनो जागायदों। बेवहाय हेमा मालिनीनि मुडाबो दंफादोरोमोन। बे लिंकअपनि खौरांफोरनि उनाव थारैनो जितेन्द्र आरो सभानि जुलिन खौरांखौ मोन्नाय जादों। जितेन्द्रआ हिन्दी सावथुनफोरजों लोगोसे साउथ सावथुनफोरावबो फाव खालामदोंमोन।

एबलिन शर्माया अस्ट्रेलियानि डाक्टर तुषान भिन्डीजों जुलि जाबाय

गोदान दिल्ली, 7 जुन : ये जबानी है दीबानी'नि मुंदांखा फावखुंगुरि एबलिन शर्माआ जुलि जाबाय। बियो गावनि आस्थाम सोनाय डा: तुषान भिन्डीजों लोगोसे जुलि जाबाय। एबलिनआ अस्ट्रेलियानि ब्रिसबेनआव गासिबो फोरबोखौ खुंदों। बियो गावनि इन्स्टाग्रामआव मोनसे सावगारि पस्ट खालामनानै बेनि खौरांखौ होदों। सावगारियाव एबलिनआ फिसाइ तुषानजों लोगोसे दड। बिसोर सानैया रमान्टिक आखुयाव पज होदों। बे समाव एबलिनआ गुफुर गावनि नेट गाउन गादों। फारसेथिं तुषानआ गुफुर शाट आरो गोसोम गावनि कट पेन्ट गादों। एबलिनआ सावगारिजों लोगोसे फेन्सआव लिरदों अरायसम। बियो हार्टनि इमजीबो पस्ट खालामदों। मख'नो गोनांदि, एबलिनआ 15 मेयाव जुलि जादोंमोन। बियो अक्टबर 2019 आव तुषानजों



लोगोसे आस्थाम सोदों। इन्स्टाग्रामआव बिसोर सानैआ किस खालामलायनानै सावगारि पस्ट खालामदोंमोन आरो केप्सनआव लिरदों। 'हां' बे जराया जुलिन थाखाय सिगांनिफ्रायनो यजना बानायदोंमोन नाथाय कभिड इनफेक्सनखौ नोजोर होनायै बेखौ दोन्थ'दोंमोन। आथिखालाव थाबैनो बिसोरो मोनसे मोजां रिसेप्सन होसिगोन। एबलिनआ जार्मानीआव जोनोम जादों। बिन बिफाया पान्जाबी हिन्दु आरो बिमाया जार्मान। एबलिनआ 2012 आव सावथुन 'फ्रम सिडनीविद लव'जों बलिउडआव डेब्यु खालामदों। 2013आव बिखौ अयान मुखाजौनि सावथुन ये जबानी हे दीबानी'आ नुनो मोन्दों। बियो इसक, मैं तेरा हीर', जब हेरी मेट सेजल' आरो साह'आव गहाय फावखालामदों।

डिसेम्बरसिमाव इउपिआव सावथुन सिटिखौ बानायगोनखौ जागायनो हागौ

लक्षनौ, 7 जुन : यगी सरकारनि ड्रीम प्रजेक्ट इन्टरनेसनेल सावथुन सिटिखौ बे बोसोरनि जोबथा एबा डिसेम्बरसिमाव बानायनाया जागायनो हागौ। बिथांखनि थाखाय यमुना टेक्नलजि जौगाखां अथ 'रिटिनि फारसे फाइनाल डिपिआरखौ 8 जुनआव गिबि उनाव बे मुलुगारि थाखोनि बिथांखिखौ माबोरै बानायगोन बेखौ थि खालामनाय जागोन। बेजों लोगोसेनो बेनि रांखांन्थि सामलायनायनि मडेलालो थि जागोन। बेफोर गासिबो थि जानायनि उनाव ग्लबल टेन्डरनि गेजेजों डावलपरखौ सायख 'नायनि हाबाफारिया जागोन। बेनि उनाव डिसेम्बर सिमाव बेनि अन्थाइ खाम्फा गायसन्नायै गिबि थाखोनै बानायनो हागौ। अथ 'रिटिनाव गिबियावनो जेना गैयै 1000 एकर हा सा बाहागोआ प्रेटार नएडानि सेक्टर 21 आव दड। फोरमाय जादोंदि, सावथुन सिटि सरकार आरो गावारि डाबलपरआ खौरांखौ एबा पिपिपि मडेलनि सायाव बानायगोन। अथ 'रिटिआ गावनि हा सा बाहागो डाबलपरखौ माबे सर्थआवनि



मासुलखौ होगोन, बेबो थि जागोन। बे बोसोराव आमेरिकानि सिबिआरइआ सावथुन सिटिनि जागाय जेनाय डिपिआरखौ थियारि खालामदोंमोन। आथिखालाव बे कम्पानी आनो फाइनाल डिपिआरखौ थियारि खालामनानै अथ 'रिटिनो हागोन। फाइनाल डिपिआरआव माबे रांखांन्थि सामलायनायनि मडेलआव बेखौ बानायनाय जागोन बे बाथाखौ सावरायनाय जागोन। बेनि थाखाय फान्डनि बेबस्थानि फार्मुलाया माजागोन आरो सावथुन सिटिनि गिबि थाखो, नैथ थाखो आरो थामथिनि गोनां खरसानि फाइनाल खंफोरथि आरो बानायनायनि समाय सिमानि खंफोरथिखौ होगोन।

तापसी पान्नुनि सावथुन हासीना दिलरुबानि गोदान पस्टारआ रिलिस जाबाय

मुम्बाइ, 7 जुन : करना इनफेक्सन गोसारनायनि जाहोनाव जेब्ला सिनेमाहलफोरा बन्द जादों अब्ला अटिटि प्लेटफर्मआ एन्टार्टेन्मेन्टआ गिदिर आयदा जानानै आवगय बोदों। आथिखालाव तापसी पान्नुनि सावथुन 'हासीना दिलरुबा'आ रिलिस जासिगोन। तापसीआ सावथुननि गोदान पस्टारखौ सेयार खालामदों। बिजों लोगोसे बे सावथुनआव बिक्रान्त मेस्सी आरो हर्षवर्धन राणेआ फाव खालामदों। पस्टारजों लोगोसे बियो केप्सनआव लिरदों मोनसे सानै जावलिआ तापसीनि बे पस्टआव माखासे स्टारफोरा कमेन्ट खालामदों। भुमि पेडनेकरआ



लिरदों 'अ'हह'। पवेल गुलाटीआ लिरदों, 'वुट वुट'। बिध्या मालवडेआ लिरदों उननि फारसे नोजोर होदों। बे सावथुनआ मोनसे मिस्ट्रि थिलार, जाय 2 जुलाइआव नेटफिलआआव रिलिस जागोन। बेखौ बिनीत मेथ्युआ बिथोन होदों। बेखौ आनान्द

सुशान्त सिं राजपुत केसआव रिया चक्रवर्तीआ एनसिबिनि सिगाडव सारा आली खाननि मुंखौ लादों

गोदान दिल्ली, 7 जुन : फावखुंगुर सुशान्त सिं राजपुतनि शैनायजों सोमोन्दो गोनां ड्रग्स एंगलआव एनसिबिआ सेप्टेम्बर 2020 आव सारा आली खाननाव सोथि सोदोंमोन। साराया सावथुन 'केदारनाथ'नि समाव सुशान्तजों लोगोसे रिलेसनसिपआव दडमोन आरो बिन मुंखौ रिया चक्रवर्तीआ सोथि सोनाय समाव एनसिबिनि सिगाडव मख'दोंमोन। आथिखालाव एनसिबिनो होनाय रिया चक्रवर्तीनि फिन्नाया मिडियाआव भाइरेल जादों, जेराव बियो सरानि सायाव गोबां दाय जाबसिदों।



हे न्गअबारनि राहाखौ फोरमायदोंमोन। बियो आइस्क्रीम आरो गान्जानि सोमोन्दै बाथा सावरायदोंमोन, जायखौ बियो गावनो बाहायोमोन आरो दुखुनिफ्राय रेहाय मोनो थाखाय आंनोबो अफार खालामदोंमोन। बेयो

आमेरिकानि लेडाइ हादतगिरि कमला हेरिसनि उरां जाहाजआव तेकनीकआव जेंना, टेक-अफनि उनाव फैफिन्नाडे

जइन्ट बेस एन्ड्रयुस, 7 जुन: आमेरिकानि लेडाइ हादतगिरि कमला हेरिसनि उरां जाहाजनि जेंना जाहोनाव उरायनायनि 30 मिनिट उनाव मेरीलेन्डआव थानाय जइन्ट बेस एन्ड्रयुसआव फैफिनो। मख 'नो गोनादि, हेरिसआ थांनय रबिबाराव ग्लाटेमाता आरो मेक्सिकआव दावबायनो थाखाय ओंखारदोमोन। एयार फर्स टु उरां जाहाजआव बै बेसआव थांफिनो जेरावनिफ्राय बेयो टेक-अफ खालामदोमोन। आधिखालाव उरां जाहाजनिफ्राय रैखाथिये



बाइजोयाव ओंखारनायनि उनाव हेरिसआ 'थम्स आप'नि इशारा

होयो। बिथाडा गाव गाहामेनो दडआरो एसे आर'जबो गाबदो होना बुंदो। गासै 1.30 घन्टानि उनाव लेडाइ हादतगिरिआ गुबुन उरां जाहाजों रावना होफिनो। हेरिसनि बुंथिगिरि

साइमन सेन्डासआ खौरगिरिनो फोरमायोदि, उरायनायनि उनाव सालायग्रा दोलोनि सोद्रोमाफोर लेन्डि गियारआव माखासे जेंना नुयो, जायजों आरोबाव माखासे तेकनीकनि जेंना सोमजिबावनो

हागोमोन। नाथाय रैखाथिजों लोब्बा गोनां जेबो खैफोदिनि जेंना जायाखैमोन। साइमन सेन्डासआबो इउएस वाइस प्रेसिडेन्ट हेरिसजों लोगोसे उरां जाहाजआव गाखोदोमोन। बेनि उनाव बिबोर मेक्सिक'आव थांगोन। बिथानि दावबायनायजों करनाजों गोहोम गोर्लेनाय बै हादतफोरव माखासे मदत आरो सोमोन्दो गोखों जानायनि मिजिं थिनाय जादों। मख 'नो गोनादि, आमेरिकायाव आयेन बेरेखायै गोबां अन्जिमानि थागिबिफोर बे हादतफोरनिफ्राय फैयो। आयेन बेरेखा माइग्रेशना हवाइट हाउसनि खाथियाव बयनिखुइ गोब्राबसिन सेलेन्सफोरनि गेजेराव मोनसे।

बेन्जामिन नेतन्याहुआ बिसायख 'थि गेनाखान्थिनि दाय जाबसिन्दों

तेल आबीब, 7 जुन : इचाइलनि गाहाय मन्थि बेन्जामिन नेतन्याहुआ बिसायख 'थियाव जेन्नानायनि उनाव ट्राम्प बायदि बिसायख 'थि हबाफारिनि सायाव सौंथि दैखादों। बियो बिसायख 'थिखौ मुगानि बयनिखुइबो देरसिन थगायनाय होन्ना बै खौ रोखा खालामदोदि, बियो बेसेबां थाबै जेन्नायखौ गनायनानै लाग्रा नड। बियो हादतनि स्क्रियरिटी चीफनि सायावबो थांखिदों। बेन्जामिन नेतन्याहुआ गावनि पार्टिनि सायाव थांखिनानै रबिबारखालि बुडोदि, इज्राइलनि सुबुं तन्त्र बेबस्थायाव बयनिखुइबो देरसिन थगायनाय जादों। नेतन्याहुआ बे बाश्राखौ बै समाव बुंदो जेब्ला बिन हेफाजाबगिरि नफताली बेनेटआ गुबुन मोन 8 बेरेखा दोलोफोरजों लोगो जाहेदों आरो इचाइलनि गाहाय मन्थि जानायनि दाबि दैखादों। फर्सिंथिं बेन्जामिन फिन होनायनि



सायाव नेफताबी बेनेटआ बुडोदि, बियो बिसायख 'थियाव गावनि जेन्नायखौ गनायना लानांसिगौ। हान्जानि नोगोरारिफोरा गोदान सरकार दानो थाखाय भट होदों। बे बायदियाव नोगोरारिफोरनि थांखि लानायखौ समान होना देरसिन दावराव-दावसि खालामा लासे गावनि जेन्नायखौ गनायना लानांगौ। मख 'जाथावदि थांनय 23 आव इचाइलआव बिसायख 'थि जादोंमोन, जेराव बेन्जामिन नेतन्याहुनि पार्टिया थाजासे भट मोनो हायाखैमोन। नेतन्याहुनि आखुखौ नुनानै

इज्राइलनि सिफ अफ सिक्युरिटी स्टाफआ आशा खालामदोदि, इज्राइलआव राजखान्थियाव हिंसा जानो हागौ। बेन्जामिननि गोदाने फिन होनायनि उनाव बे आसा खालामनाया बांसिन जादों। नेतन्याहुआ बुंदोदि हादतनि जांरिमिनाव बयनिखुइबो देरसिन बिसायख 'थि थगायलायनायनि गावसोर फोरमान जादों। गावनि सान्नाय बादिब्ला, जायखि जाया हादतनि सुबुं तन्त्र जांरिमिननि बयनिखुइबो बांसिन बिसायख 'थिआव गेनाखान्थि जादों।

करनानिफ्राय रेहाय मोन्नाया आरोबाव बांदों

गोदान दिल्ली, 7 जुन: हादतआव करनानि नैथि दोहौजों लांश्रियै रेहाय मोन्दों। थांनय 24 घन्टयाव हादतआव 1,00,636 गोदान केस मोन्दों। बेनि अनगायै 1,74,399 सुबुंफोर डिस्चार्ज जादों। थांनय 61 सानफोरव गिबि खेब 24 घन्टयाव गोबां खम गोदान केस मोन्दों। थांनय 1 सानआव 2427 सुबुंफोर थैदों। हादतआव एक्टिभ के सफोरनि अन्जिमायावबो गिदिर रेहाय मोन्दों। फारसेथिं गोदान के सफोरनि अन्जिमायाव 1 लाखआव फैदों आरो सांग्रांथि के सफोरनि अन्जिमाया 14 लाआव सौफैदों। थांनय से सानआवबो एक्टिभ के सफोरनि अन्जिमायाव 76,190 नि खम जादों। करनानि रेहाय मोन्नायखौ बे बाश्राजोंबो हमदोनों हायोदि लांश्रियै 25 सानफोरनिफ्राय गोदान के सफोरनि रुजुनायाव रिफाभार जानाय सुबुंफोरनि अन्जिमाया बांसिन जादों। बेनि अनगायै रिफाभार रेटआवो गोखै थै बांनानै 93.94



जौखोन्दोनिफ्राय बांसिन जाबाय। आधिखालआव सप्ताहफ्रोमबो पजिडिभिटी रेटआ 6.21 जौखोन्दो जादों। फारसेथिं डेली पजिडिभिटी रेटनि बाश्राखौ बुडोब्ला बे अन्जिमाया 6.34 जौखोन्दोल' थाबाय। थांनय 14 सानफोरनिफ्राय लांश्रियै बे अन्जिमाया 10 जौखोन्दोनिफ्राय खम जादों। बेनि गेजेराव भेक्सिन थुनायाबो गोखै जादों। हादतआव दासिमाव 23.27 कौटि करना भेक्सिनखौ थुखांबाय। समबारआव फैनाय करनानि गोदान के सफोरनि लाफानानै गासै के सआ 2,89,09,975 जाबाय। थाबैनो बे अन्जिमाया 3 कौटिनिफ्राय बांसिन जानो हागौ। थांनय

माखासे सानफोरनिफ्राय लांश्रियै दावखलायनायखौ नुनो मोन्दों आरो फैनो गोनां सानफोरव गोदान के सफोरनि अन्जिमाया 1 लाखनिफ्रायबो गाहायाव थांनयनि आसा दड। समबारनि डोटानि बायदिब्ला थांनय से दानआव 13,90,916 करना भेक्सिनखौ थुदों। बेनि अनगायै करना टेस्टिनि बाश्राखौ बुडोब्ला 15,87,589 सेम्पलखौ लानाय जादों, जाय 5 जुनि रुजुनायाव खम जादों। बै समाव 20,36,311 टेस्ट खालामदोमोन। हादतआव दासिमाव 33 कौटिनिफ्राय बांसिन करना टेस्टि जाखंबाय।

करना इनफेक्सनखौ होबथानो करनानि गुदि बाश्रासिम सौहैनाया गोनांथार: आमेरिका



वाशिंठन, 7 जुन: करना भाइरसनि सोमजिखानायखौ संदानायाव नांथावनाय आमेरिकाया आधिखालाव जायखि जाया थासारियाव चीननि सायाव गुरे आखु दिन्थिनायखौ नुनो मोनाखै। आमेरिकानि गुबुन हादतारि मन्थि एन्टी बिलिंकेनआ करना भाइरसनि थाखाय चीनखौ दायनिगिरि खालामना बुंदोदि, जुदि इयुनआव बे बायदि इनफेक्सननिफ्राय रैखाथि मोन्नोब्ला बेनि गुदिसिम सौहैनांगोन। चीनआ दासिमआव जैरेबायदि नायबिजिरनांगोमोन बे बायदि नायबिजिरनायखौ खालाम होयाखै। बिलिंकनआ मोनसे इन्टरभिउआव बे फिनखौ होदों। बिथाडा बुंबावोदि, करनानि गुदिसिम सौहैनायनि बयनिखुइबो देरसिन जाहोना बेनोदि, बेयो मोनसेल' राहा जायजों उननि समाव इनफेक्सननिफ्राय बाररा 'नो हागोन एवा बेखौ फोजोबस्रानो थाखाय साबसिने नाजाबावनो हागोन। मख 'जाथावदि, करना भाइरसनि नायबिजिरनायखौ लानानै लांश्रियैनो चीनआ सावरायनायजों बेंखनजादों। थांनय दानफोरव वाशिंठन पस्टआ आमेरिकानि संगालि रिपर्टखौ लानानै खौरां सेबखंदोमोनदि, जायनि बादिब्ला करना इनफेक्सननि गिबि खेसआ थिसनजानायनि से दान सिगाडवोनो चीननि वुहान लेबनि माखासे संदानगिरिफोर बेराम जादोंमोन। बिबोरनाव करनानि बादिनो लोकोन नुनो मोन्दोमोन आरो बिबोरखौ देहा फाहामसालियाव थिसननायबो जादोंमोन। बिलिंकनआ बुंदोदि, भाइरसखौ लानानै चीनआ मोजां खौरांखौ फोरमायाखै जायखौ नायबिजिरनायाव गोनांथार। बेइजिंआ हारिमायारि नायबिजिरनाफोरखौ हाबहोनांगौ आरो बिबोरनो नांगो जानाय खौरांखौ होनांगौ।

ब्रिटेइनआव सासे आइजो दाय-निगिरिआ गोबां दोहौ सोमजि होदों

लन्दन, 7 जुन: ब्रिटेइनआव सासे सिरियाल किलार एबा बुथारगानि सोमोनांथाव जाथायआ सोराडाव फैदों। हादतनाडै बुथारनायनि माखासे केसफोरखौ मोगथां महर होनानै जेंना सोमजिखौ होनायनि आन्दोयाव सासे आइजो दायनिगिरिनि आखाय दंमोन। पुलिसनि नायबिजिरनायाव बे सिरियाल किलारनि सोमोनांथाव बाश्राफोरा सोराडाव फैदों। ब्रिटिश खौरां बिलाइ दा साननि रिपर्टनि बादिब्ला दायनि मुलुगआव गोबां सम सिगाडवोनो आगान होनाय बे आइजो किलारनि मुडा जआना डेनी। बेनि सोमोन्दै बावैसो समाव सोराडाव फैनाय बाश्राफोरनिफ्राय मिथिनो मोन्दोदि, बे आइजोआ सासे जेलनि बिबानगिरिजोंबो सोमोन्दोयाव दंमोन आरो बियो हौवाफोरखौल' मैहुर खालामोमोन। डेनीआ 16 बोसोर बैसोआव न'निफ्राय खारनायनि उनाव माब्लाबावो



न'आव थांफिनाखै। 2013 आव बिन सायाव सुबुं बुथारनायनि दाय गोलेदोमोन। डाक्तरा बिखौ गोसोनि बेरामि, समाजनि सुधुर आरो गाहाम सान्नो-होनो हायै जेंना गोनां होन्ना गनायथिदोमोन। लाक्जारीयै जिउ खुग्रा बे आइजो दायनिगिरिखौ हादतनि बयनिखुइबो गिखंथावसिन आइजो केदी होन्ना बुनायबो जादों। डेनीआ सोरबा संग्राखौ जोबोदो गोसो थोयोमोन आरो बेजों जुलि जानोबो गोसो दंमोन। पुलिसनि नायबिजिरनायाव

बिन बे जिउनि सोमोन्दै फोरमायनाय माखासे लाभ लेटरबो मोन्दों। आधिखालाव 38 बोसोर बैसोनि डेनीआ सरे काउन्टीयाव थांनय ब्राजफिल्ड जेलआव साजा भुगिगासिनो दं। दायनिगिरि आइजोआ बावैसो समाव पीटारबर्ग आव सा 3 सुबुंफोरखौ बुथारो आरो गुबुन सानैखौ दाबासुरिजों जोखोम खालामदोमोन। दासिमबो पुलिसआ बे के सनि चार्जशीटखौ थिसनाखै। बुनाय जादोंदि, डेनीनि न'निफ्राय मोन्नाय लाइजामफोर आरो गुबुन लेखा बिलाइफोरनि नायबिजिरनाया फुरा जानायनि उनाव कर्टआव डिटेल्स रिपर्टखौ फाइल खालामनाय जागोन। डेनीखौ जिउनि जोबथा समसिम जोबथेसालियाव थांनयनि साजा खोनासंहोदों।

दावराव-दावसियाव जोखोम जानाय इज्राइलनि स्पेस एजेन्सिनि आगुनि चीफआ रुंसारि जाबाय



यरुशालेम, 7 जुन: खामनाय बे जाथायाव हर इज्राइलआव बावैसो समाव जानाय हारियारि दावराव-दावसियाव गोब्राबे जोखोम जानाय हादतनि अखांमा एजेन्सिनि आगुनि गाहाया थैबाय। देहा फाहामसालिनि बिबानगिरिफोर बेनि खारखौ होयो। एभि हर इभन (84) आ अकरे शहरनि गंसे हटेलआव थाथ'दोमोन। बै समाव थांनय दानाव दावराव-दावसि खालामग्रा होंगो-दोंगो सुबुंफोर हटेलआव अर लागायदोमोन। अर

इभनआ 1995 निफ्राय 2004 सिमाव हादतनि अखांमा एजेन्सिनि गाहायनि बिबान सामलायनायनि सिगां इज्राइलनि इयस्पेस बिफानाव माखासे गाहाय मासिफोरव गावसिनि सिबिथायखौ होदोंमोन। बिथाडा उनाव इज्राइलनि बार इलान मुलुग सोल्लोसालिनि बेगिन-सादत सेन्टर फर स्ट्रेटजिक स्टडीजआव संदानगिरि महरै खामानि मावदोंमोन। थांनय दानाव हमास आरो इज्राइलनि गेजेराव सोलिनया दावहानि समाव इहुदी हादतआवबो नख'र दावहा बायदि थासांरि सोमजिदोंमोन। इज्राइलनि माखासे शहरफोरव हारियारि हिंसायारि जाथाय सोमजिदोंमोन। हादतनि माखासे शहरफोरव बे हिंसायारि जाथाया दावहानि महर लादोंमोन। मख 'नो गोनादि, बे हिंसायारि जाथायखौ इज्राइलआ

नख'र दावहा महरै फोसावदोंमोन। आरब हादतनि सुबुंफोर आरो इहुदिफोरनि गेजेराव बे रोखोमनि गिखंथाव दावहाखौ गोबाव समनि उनाव नुनो मोन्दोंमोन। सुलुंनि बायदिब्ला इज्राइल आरो हमासनि गेजेराव सोमजिनाय दावहायाव गासै सा 200 सुबुंफोर थैदोंमोन। बिबोरनि गेजेराव बांसिन सुबुंफोर थैनाया गाजा पाटटीआव इचाइलनि फारसेनिफ्राय खालामनाय गाग्लोबनायाव जायो। इज्राइलआव आधिखालाव खुंथाया सोलायसिगोन। बेरेखा दोलोफोरनि जुथाय दोलोया सरकार दानायनि सायाव गनायलायबाय। बेनि उनाव आधिखालाव इज्राइलनि पि एम बेन्जामिन नेतन्याहुखौ बिबाननिफ्राय बोखलायनाया थि जाबाय होन्ना गनायना लानाय जादों।

गिबियाव इउइफा नेशन्स कापमोन दुर्नामेन्टनि मुडा

गोदान दिल्ली, 7 जुन: 1960 आव इउर' कापआ जागायजेनब्ला बे समाव बे बादायलायनायनि मुडा इउरपीयान नेशन्स कापमोन। 1968 आव बेनि मुंखौ सोलायनानै इउइफा इउरपीयान चेम्पियनसिप खालामनाय जादों। गिबि बादाय लायनायाव मोन 4 टीमफोराल' बाहागो लादोंमोन। बेवहाय चेकस्लवाकिया, फ्रान्स, सवियेट इउनियन आरो इउगस्लाबिया दंफादोरो। गिबि एडिशनआव सवियेट इउनियन आ इउगस्लाबियाखौ फेजेन्नानै बिमुंखौ गावनि मुं खालामदोंमोन। स्पेनआ

प्लेयर	देश	गोल
माइकल प्यल्लिनी	फ्रान्स	9
क्रिस्टियानो रोनाल्डो	पुर्तगाल	9
एलन शीरर	इंग्लैंड	7
हेनरी थियरी	फ्रान्स	6
ज्याकतान इग्रालिमोविच	रुसिया	6
पेट्रिक क्ववर्ट	नेदरलैंड्स	6
नुनो गोमेज	पुर्तगाल	6
डेविड विल्शे	इंग्लैंड	6

सबियेत इउनियनजों लोगोसे क्वार्टर फाइनलआव मेच गेलेनायखौ नेवसिगारदों आरो दुर्नामेन्टनिफ्राय बायजोयाव थदों। इंग्लैंड, वेस्ट जार्मनी आरो इटली बादि टीमफोरबो 1960 आव दुर्नामेन्ट गेलेनायखौ नेवसिगारदोंमोन। बे समनिफ्रायनो हमदंनो लादोंमोनदि, बे दुर्नामेन्टआव 16 था टीमफोरखौ सायख'नाया

थादों। बे बोसोरनि दुर्नामेन्टबो 24 था टीमफोरा बाहागो लागोन। इउर कापआ मोनै रोखोमनि बादाय लायनाय जायो। गिबिया क्वालिफायर्स आरो नैथिया फाइनाल्स, दैदेनग्रा हादतखौ नागरानानै इउरपनि गासिबो हादतफोरा क्वालिफाई दुर्नामेन्टआव बाहागो लायो। दैदेनग्रा हादतआ फाइनाल्सनि थाखाय अडेम्प्टिक एन्ट्री मोनो। मेन दुर्नामेन्ट, जायखौ फाइनाल्स बुडो, बेवहाय क्वालिफाई खालामग्रा टीमफोरखौ गुपआव रान्नाय जायो। 2016 आरो बे बोसोराव 24 टीमफोरा क्वालिफाई जादों।

गोब्राब जागोन। 1976 सिमाव 4-4 टीमफोराल' मेचखौ गेलेबोबाय थदों। 1980 आव गिबि खेब 8 टीमफोरा बे मेचयाव बाहागो लादों। 1996 आव बेनि अन्जिमाया बांनानै 16 था जादों। 2016 आव बयनिखुइबो बांसिन 24 टीमफोर बे दुर्नामेन्टआव बाहागो लादों। बे रोखोमै दुर्नामेन्टखौ मोजां मोनलानाया बांलांबाय

15 दाननि उनाव आइजो टीमनो टी-20 वर्ल्ड कापनि प्राइज मानीखौ बिसिसिआइआ होबाय

मुम्बाइ, 7 जुन: टि-20 वर्ल्ड कापआ 15 दान जानायनि उनाव भारतीय क्रिकेट कन्ट्रल बोर्डआ आइजो गेलेगिरिफोरनो प्राइज मानीखौ होबाय। सुलुनि बादिब्ला बिसिसिआइआ आइजो टीमनो 3.5 कौटि रंखौ होबाय। गुबुन फारसेथिजाय नख 'रारि क्रिकेट टारफोरनो दासिमबो रां खान्थि अनसुथायखौ होनाय जायाखै। मख 'नो गोनादि थांनाय बोसोरनि मार्च दानाव अस्ट्रेलियाआव जानाय आइजोफोरनि टी-20 वर्ल्ड कापआव भारतीय आइजो टीमआ लेडाइ देरहागिरिमोन। लेडाइ देरहागिरि टीमनो इन्टारनेशनल क्रिकेट काउन्सिलनफ्राय 3.5 कौटि रंखौ बान्थाखौ होनाय जायो। इन्टारनेशनल क्रिकेटनफ्राय टुर्नामेन्टआ जोबनायनि 1 सप्ताहनि गेजेरावनो बे रंखौ बि सि सि आइनो होनाय



जादोंमोन। जाहाथे गेलेगिरिफोरनो होनो हायो। नाथाय बि सि सि आइनफ्राय बे रंखौ होनाय जायाखैमोन। ब्रिटेननि खौयं चेनेलनफ्राय टी-20 वर्ल्ड कापनि लेडाइ देरहागिरि भारतीय टीमनो दासिमबो रंखान्थि होयैखौ लानाने बाध्राखौ फोरमायनाय जादों। जायनि उनाव बि सि सि आइ बिबानगिरिआ सांग्रां जायो। आथिखालाव टी-20 वर्ल्ड कापआव थाफानाय

गासिबो आइजो गेलेगिरिफोरनो बे रंखौ रानाने होनाय जाबाय। भारतीय आइजो टीमआ होवा टीमजों लोगोसे 2 जुनआव इंग्लेन्डनि थाखाय रावना होबाय। आइजो टीमआ इंग्लेन्डनि हेँथायै 16 जुननफ्राय सिंगोल्स, टेस्ट 3-3 मेचफोरनि वान्डे आरो टि-20 सीरिजखौ गेलेगोन। मितालीनि टीमआ ब्रिस्टलआव क्वारेन्टाइन थादों। होवा टीमआ साउथेम्पटनआव 18-22

रिबाकिनाआ 3 खेबनि सेम्पियन सेरेना उडलियाम्स्खौ फेजेन्दों

पेरिस, 7 जुन: फ्रेन्स अपेननि प्रि क्वार्टर फाइनालाव कजाकिस्ताननि एलिना रिबाकिनाआ 3 खेब फेन्स अपेन सेम्पियन सेरेना उडलियाम्स्खौ 2 सेटयाव 6-3, 7-5 जों फेजेन्दों। रिबाकिनाजों जेनायनि उनाव सेरेनानि 24 थि ग्रेन्ड स्लेमखौ देरहानो सिमां नुनायाबो फेलें जाबाय। सेरेनाया 2016 नि उन्नफ्रायनो फ्रेन्स अपेननि प्रि क्वार्टर फाइनालाव सौहैनो हायाखै। रिबाकिनाआ जागायनायनफ्रायनो सेरेनानि सायाव गोहोम खोख्लैनो हादों। नैथि सेटयाव सेरेनाआ फेफिननो नाजादों। नाथाय रिबाकिनाआ सेट 7-5 जों मेचआव आवगयनो हादों। रिबाकिनाआ जोबथा 4 याव जायगा बानायनो थाखाय अनास्तासियाजों मोगा मोगि जानांगोन। अनास्तासियाआ बिक्टोरिया अजारेन्काखौ फेजेन्नाने क्वार्टर फाइनालाव हाबनो हादों। गिबि सेटआव अनास्तासियाखौ अजारेन्काआ 7-5 जों फेजेन्दों। नाथाय बेनि उनाव फेफिन्नाने



अनरखासियाआ अजारेन्काखौ 3 सेटखौ ट्राइबेकार याव देरहादों। स्टेफानस सितासिपासआ बाब्ल कारेन बुस्टाखौ 6-3, 6-2, 7-5 जों फेजेन्नाने क्वार्टरफाइनालाव जायगा बानायदों। स्पेन्स गेलेगिरि आरो वर्ल्ड नम्बर-45 एलेजाद्र डेभिडबिच फखिनाआ अर्जेन्टानि फेडेरिकटेल्बनिसखौ 6-4, 6-4, 4-6, 6-4 जों फेजेन्नाने गिबि खेब ग्रेन्ड स्लेमनि क्वार्टर फाइनालाव जायगा बानायनो हादों। बियो क्वार्टर फाइनालाव जार्मान गेलेगिरि आलेकजेन्डार ज्वेरेबजों बादायलायगोन। ज्वेरेबआ जापाननि गेलेगिरि केह निशिकरीखौ 6-4, 6-1, 6-1 जों फेजेन्दों।

अनरखासियाआ अजारेन्काखौ 3 सेटखौ ट्राइबेकार याव देरहादों। स्टेफानस सितासिपासआ बाब्ल कारेन बुस्टाखौ 6-3, 6-2, 7-5 जों फेजेन्नाने क्वार्टरफाइनालाव जायगा बानायदों। स्पेन्स गेलेगिरि आरो वर्ल्ड नम्बर-45 एलेजाद्र डेभिडबिच फखिनाआ अर्जेन्टानि फेडेरिकटेल्बनिसखौ 6-4, 6-4, 4-6, 6-4 जों फेजेन्नाने गिबि खेब ग्रेन्ड स्लेमनि क्वार्टर फाइनालाव जायगा बानायनो हादों। बियो क्वार्टर फाइनालाव जार्मान गेलेगिरि आलेकजेन्डार ज्वेरेबजों बादायलायगोन। ज्वेरेबआ जापाननि गेलेगिरि केह निशिकरीखौ 6-4, 6-1, 6-1 जों फेजेन्दों।

वर्ल्ड टेस्ट सेम्पियनसिप 2021 नि फाइनाल मेचयाव फलअन नेमखान्थिखौ लानाने आइसिसिआ गिदिर बाथाखौ फोसावदों



गोदान दिल्ली, 7 जुन: बे समाव मुलुगनाडेनि क्रिकेट फेन्सफोरा 18 जुनखौ नेनाने दं। मानोना बे सानावनो वर्ल्ड टेस्ट सेम्पियनसिपनि फाइनालआ जागोन। भारत आरों निउजिलेन्डआ गिबि खेब बे सेम्पियनसिपखौ देरहानाने मुलुगाव मुंदांखा जानो थियारि जादों। बे गिदिर मेचफोरनि

थाखाय मोन्नेबो टीमफोरा इंग्लेन्डआव सौहैबाय। मेचखौ लानाने इन्टारनेशनल क्रिकेट काउन्सिल (आइसिसि) आ बुंदों, गिबि साननि मेचआ अखा हानायनि जाहोनाव जेना गोनां जानायाव फलअननि नेमखान्थियाव जायखि जाया रोखोमनि सोलायनाय जानाय नडा। आइसिसिआ भारत आरों

निउजिलेन्डनि गेजेराव जानो गोनां फाइनालाव रिजाभं डेखौ नोजोर होनाने बेबादि बिबुथिखौ होदों। मख 'नो गोनांदि, आइसिसिनि नेमखान्थिनि बादिब्ला गिबि बेदिं खालामग्रा टीमआ 200 रान बानाय खानायनि उनाव गुबुन टीमखौ फिन बेदिं खालामनो थाखाय खावलायहरनो हागौ। जुदि मेचफोरनि साननि अन्जिमाया खमब्ला राननि अन्जिमायाबो खम जायो। बेनि अनगायै 3-4 साननि मेचयाव 250 रान, 2 साननि मेचआव 100 रान आरों 1 साननि मेचयाव 75 राननि फलअननि थाखाय गनायथि जायो।

जुननि गेजेराव निउजिलेन्डनि हेँथायै वर्ल्ड टेस्ट सेम्पियनसिप फाइनालाव गेलेगोन। भारतीय टीमआ सिंगोल्स टेस्ट मेचखौ ब्रिस्टलाव 16-27 जुननि गेजेराव गेलेनाय जागोन। बेनि उनाव 27 जुनयाव 3 वान्डे मेचफोरनि सीरिजनि गिबि वान्डेखौ ब्रिस्टलावनो गेलेनाय जागोन। नैथि वान्डेखौ 30 जुनयाव टान्टनआव गेलेनाय जागोन, जेराव वान्डे सिरिजनि जोबथा मेचखौ 3 जुलाइयाव भरेस्टरआव गेलेनाय जागोन। 3 टी-20 मेचफोरनि सिरिजनि गिबि मेचखौ 9 जुलाइनिफ्राय नार्थेम्पटनआव आरों टी-20 नि जोबथा मेचखौ 14 जुलाइयाव चेम्पिफर्डआव गेलेनाय जागोन।

लन्दन, 7 जुन: जुननिफ्राय इउफा इउर' काप 2020 खौ खुनाय जागोन। बेखौ इउफा इउरपियान फुटबल चेम्पियनसिप आरों इउफा इउर'पियान चेम्पियनसिपनि मुडैबो मोनथिनो मोनाय जायो। बे टुर्नामेन्टआ 1960 आव जागायजेन्दोंमोन आरों बेखौ 4 बोसोर उन-उन गेलेनाय जायो। 2020 आव बेखौ करनानि जाहोनाव 1 बोसोरनि थाखाय दोनथ' नादों। फिफा वर्ल्ड कापनि उनाव बे टुर्नामेन्टआ बयनिखुइबो बांसिन मख 'जाथावसिन। बेनि थाखायनो बेखौ मिनि वर्ल्ड कापबो बुनाय जायो। इउरपनि मुंदांखा हादतआ बे टुर्नामेन्टआव मोगा-मोगि जायो। दासिमाव बे टुर्नामेन्टखौ दर 2 हादतफोर



दौदेनबोबाय थादों। 60 बोसोरनि टुर्नामेन्टनि जारिमिनआव गिबि खेब दर 11 हादतफोर खौसैयै बे टुर्नामेन्टखौ दौदेनगोन। बेवहाय अजरबैजान, डेनमार्क, इंग्लेन्ड, जार्मानी, हांगारी, इटालि, नीदारलेन्ड, रमानिया, रुस, स्कटलेन्ड आरों स्पेनआ दंफा देरों। टुर्नामेन्टआव 24 टीमफोर 11 जुलाइयाव फाइनाल

गेलेगोन। स्टार स्ट्राइकार क्रिस्टियान स्नाल्डनि टीमआ पुर्तगाल बिमुंखौ रैखाथि होनो मेच गेलेगोन। 2016 आव पुर्तगालआ फ्रान्सखौ फेजेन्नाने ट्रफीखौ देरहानो हादोंमोन। इउफाआ टुर्नामेन्टनि गेजेरजों गाजा-गोमजा फोर्बों फालिनो थियारि जादोंमोन। करनानि जाहोनाव बेयो जाकुंसारनो

थाखाय खौसे जायामोन। इउफाआ 60 बोसोर फुरा जानायनि फोर्बोंखौ फालिनो थाखाय 2021 आव जानो गोनां चेम्पियनसिपखौबो इउर' 2020 नि मुं होनाय जादों। इउफाआ बुंदों इउर' 2020 आ सुबुंफोरनो गोसोखांहोगोनदि माबोरे फुरा फुटबल नख 'य करना इनफेक्सनजों दावहा नांनो थाखाय खौसे जायामोन।

8 बोसोर सिगां बोरोन बोखावनाय खान्थिनि सायाव बिबुंथि होनायनि जाहोनाव इंग्लेन्डनि गोखों बल खुबैग्राया सास्पेन खालाम जादों

गोदान दिल्ली, 7 जुन: इंग्लेन्ड आरों सासेक्सनि गोखों बल खुबैग्रा अली रबिन्सनआ 8 बोसोर सिगां बोरोन बोखावनाय खान्थिखौ लानाने ससियेल मिडिया सायाव जेना गोनां पस्ट होनायनि हारिमायारि क्रिकेटनफ्राय सास्पेन्ड खालाम जादों। इंग्लेन्ड एन्ड वेल्स क्रिकेट बोर्डआ बे बाध्राखौ फोरमायदों। बोर्डआ बुंदों, नायबिजिननाया पुरा जाजासिम बियो हारिमायारि क्रिकेटनफ्राय जानगराव थागोन। मख 'नो गोनांदि, रबिन्सनखौ निउजिलेन्डनि हेँथायै मोन्ने टेस्ट मेचफोरनि सिरिजनि सिगां टेस्टनि थाखाय इंग्लेन्डनि टीमआव लाफादेरदोंमोन। रबिन्सन बेयो डेब्यु मेचगोन। बिखौ प्लेइ



इलेभेनआव लाफादेरनायनि उन्नफ्रायनो 2012-13 याव बोरोन बोखावनाय खान्थिखौ लानाने ससियेल मिडिया सायाव बिनि पस्ट खालामनाया भाइरेल जादों। जायनि उनाव इंग्लेन्ड एन्ड वेल्स क्रिकेट बोर्डआ बेखौ गोथोयै लानाने नायबिजिननो बिथोन होदों आरों लोगोसेनो रबिन्सनखौ

हारिमायारि क्रिकेटनफ्राय सास्पेन्डबो खालामदों। लर्डसयाव गेलेनाय गिबि टेस्ट मेचआव रबिन्सनआ निउजिलेन्डनि 7 उइकेट लानाने इंग्लेन्डनो मेच डू खालामहोनायाव गोनांथि बिहोमा होदों। बिनि गिबि मेच गेलेनायाव 28 अभाययाव 75 रान बानायनाने 2.67 नि इकनमी

रेटनफ्राय 4 उइकेट लादों। नैथि मेच गेलेनायाव बियो 14 अभाययाव 26 रान बानायनाने 1.85 इकनमी रेटनफ्राय 3 उइकेट लादों। बेजों लोगोसेनो बियो गिबि गेले जेनायाव 42 रानबो बानायदों। रबिन्सनआ गनायना लादोंदि, गाव टिनेपयाव ससियेल मिडियाआव बोरोन बोखावनाय खान्थि आरों आथोनखौ लानाने कमेन्ट खालामदोंमोन आरों बेनि थाखाय निमाहाबो बिदोमोन।

बियो बुंदों, गाव बेनि थाखाय लाजिनदों। नाथाय बे बाध्राखौ लानाने दुखु मोन्दोंदि, डेब्यु टेस्टयाव मोजाडैदिथिफुनारनि खाबुयाव 8 बोसोरनि गोजम पस्टआ बायरेल जादों। आं बै समाव लाइमोन संग्रामोन आरों जेबो सानया हासिया बिबुंथि होदोंमोन। बेनि उनाव आं निमाहाबो बिदोंमोन। आथिखालाव आं बुजिनो गोरों जाबाय आरों मा खालामनांगो बेखौ मोनथिगो।

डब्लिउटिसि फाइनालाव भारतनि रबिन्द्र जाडेजाया मोजाडै गेलेनाने दिथिफुगोन: दानिश कनेलिया



गोदान दिल्ली, 7 जुन: भारत आरों निउजिलेन्डनि गेजेराव 18 जुननिफ्राय साउथम्पटनयाव आइसिसि वर्ल्ड टेस्ट सेम्पियनसिप (डब्लिउटिसि) नि फाइनाल मेचखौ गेलेगोन। बे मेचनि सायाव मुलुगायाव नोजोर होदों। पाकिस्ताननि बारग' क्रिकेट टार दानिश कनेरियाआ फोरमायदों बे फाइनाल मेचयाव भारतनिफ्राय अलराउन्डर रबिन्द्र जाडेजाआ मोजाडै गेलेनाने दिथिफुगोन। कनेरियाआ युट्युव सेनेललाने बुंदों बल खुबैग्राया मोजाडै दिथिफुगोनो हायो, जायखि जाया फर्मन्त्याव गेलेया मानो। जुदि बियो उइकेट लायोब्ला बिनि टीमया मेचखौ देरहागोन। रबिन्द्र जाडेजाआ ट्रिपल डाइमेसन गेलेगिरि। बियो प्लेइ X। याव गेलेनांगौ। बियो गोनांथि खाबुयाव गोनांथि उइकेटखौ मोनहोगोन। बियो लआर अडरिआ रान बानायनाने होगोन। बेनि अनगायै फिलिडनि

समाव माखासे मोजां रानआउटखौबो टीमनि थाखाय खालामगोन। बियो भारतनि थाखाय फाइनालाव मोजाडै गेलेगोन। जाडेजाआ थांनाय माखासे समनफ्राय मोजां फर्मयाव सोलिदों। टीम इन्डियाआ डब्लिउटिसिनि फाइनालनि थाखाय इंग्लेन्डयाव सौहैबाय। भारतीय टीमआ साउथम्पटनयाव फाइनालनि थाखाय प्रेक्टिसखौ जागाय जेन खौ बाय। निउजिलेन्डनि टीमआ इंग्लेन्डनि हेँथायै मोन्ने मेचफोरनि टेस्ट सिरिजखौ गेलेदों। सिरिजनि गिबि टेस्ट डू जादों। भारतआ डब्लिउटिसि फाइनालनि उनाव 4 आगस्टनिफ्राय इंग्लेन्डनि हेँथायै गेलेगोन। भारतआ डब्लिउटिसि फाइनालनि उनाव 4 आगस्टनिफ्राय इंग्लेन्डनि हेँथायै 5 मेचफोरनि टेस्ट सिरिजखौ गेलेगोन।

20 खेब ग्रेन्ड स्लेम सेम्पियन फेडारारआ फ्रेन्स अपेननिफ्राय गावनि मुंखौ बोखांनो लाफिनबाय



पेरिस, 7 जुन: आइजोफोरनि गेजेराव वर्ल्ड नम्बर-2 गेलेगिरि नाअमी असाकानि फ्रेन्स अपेन टुर्नामेन्टखौ नागरनायनि उनाव आथिखालाव 20 खेब ग्रेन्ड स्लेम सेम्पियन रजर फेडारारआ टुर्नामेन्टनिफ्राय गावनि मुंखौ बोखांनो लाफिनबाय। बियो ससियेल मिडियाआव पस्ट खालामनाने गावनो बे खौरंखौ होदों। थामथि थाखोन बादायलायनाय मेचनि उनाव बिखौ गोबां मेंनाय नुनो मोन्दोंमोन आरों बिनि हान्युआव गोबां सादोंमोन। थांनाय 25 बोसोरनिफ्रायनो बियो बे सानायजों बुगिनांदों आरों बे समाव बियो 2 खेब साजॉरिबो

खालाम जादोंमोन। फेडारारआ गावनि पस्टयाव लिरदों टीमजों सावरायलायनायनि उनाव मेचनिफ्राय मुंखौ बोखांनो लाफिनो थांखि लादों। हान्युनि 2 खेब साजॉरि खालाम जानायनि उनाव देहानो आराम होनाया गोनांथि। रिक्भारि समाव गावनि सायाव बांद्राय प्रेसार होनांगौनि गोनांथि गैया। बे टुर्नामेन्टयाव थामथि मेचखौ देरहानाने गोजोन्नाय मोन्दों। कर्टयाव फेफिन्नायनि गोजोन्सिन बाध्रा जेबो गैया। नोंथां मोनजों थाबेनो लोगो मोनगोन। मख 'नो गोनांदि, थांनाय शनिबाराव डमिनिक कएफफारनि हेँथायै मेच

गेलेनायाव बियो गोबां बुगिनांदोंमोन। 3.5 घन्टा सोलिबाय थानाय बे मेचयाव फेडारारआ 7-6, 6-7, 7-6, 7-5 जों गावनि मुं खालामदोंमोन। बेजों बिनि साजॉरि जानाया हान्युयावबो गोबां प्रेसार गोप्लेदों। मेचनि उनाव फेडारारआ बुंदोंमोनदि, इयुनाव गेलेनो हागोन ना हाया बेखौ मोनथिया। आं बेनि सायाव थाबेनो थांखि लानांगोन। जोखोम जानाय हान्युनि सायाव प्रेसार होनाय खैफोदनि बाध्रा। मा बेयो आराम खालामनायनि थि सम नामा? आं टुर्नामेन्टखौ लानाने गोनो गोथो जादों।